

Ataatsimiinnermi oqaluuserisassat:

Imm. 01 Oqaluuserisassat akuerineqarneri

Imm. 02 Aningaasaqarnermut tunngasut
Akiani Meeqquerivik 4-mut Suliariumannittussarsiuussinerup inernera pillugu
siulittaasup aalajangiinera – Nuutsineq

Imm. 03 Suliniutip 'Kikkut tamarmik tunniussaqaarsinnaapput' ataani
aningaasaliissutaasunik 2019-imit 2020-mut nuutsineq

Imm. 04 Suliniutip 'Inuunerinneq – Inuuneq tamaat' ataani aningaasaliissutaasunik
2019-imit 2020-mut nuutsineq

Imm. 05 Nunaqarfinni utoqqaat inissiaannut aningaasaliissutit

Imm. 06 Atuiffik 5 iluani missingersuutitigut nuutsisoqarnissaa pillugu qinnuteqaat 2019
Sisimiut

Imm. 07 Ukioq 2019 Konto 3 aamma 5-ip iluani missingersuutitigut nuutsinissamik
qinnuteqaat Maniitsoq

Suliassat naliginnaasut

Imm. 08 Kalaallit Nunaanni erngup nukinga atorlugu nukissiuuteqarfinnik
pingaarnersiuneq pillugu Naalakkersuisunut saaffiginnissut pillugu
innersuussut

Imm. 09 Ukioq 2020-mi Maniitsumi Sisimiunilu kuuffissuarnut nutaanut
aningaasaliissutinik agguataarineq

Imm. 10 Upalungaarsimaneq qajannaatsoq

Imm. 11 Maniitsumi timersortarfimmi fitnesscenter Peqqik imaluunniit
namminersortunit pigineqartoq Maniitsoq Fitness-imi Qeqqata Kommuniani
sulisut namminneq toqqakkaminnik sungiusartarsinnaanerisa
akuerineqarnissaa pillugu qinnuteqaat

Imm. 12 Qeqqata Kommunian-ni utoqqalinersianik tunniussisarnermi allanngartitsineq

Imm. 13 Sulisogarnermut tunngasut
Atorfeqartitanut tunngasutigut paasissutissiineq 9. december 2019

Imm. 14 Paasissutissiissutit
Piffissami 2013-2019 pinngortitami ikuallannerit pillugit naatsorsueqqissaarneq

Imm. 15 Tamalaat

Ataatsimiinneq videokonference atorlugu ingerlanneqassaq 17. december 2019 aallartissallunilu
nal. 08.30

Atassut

Emilie Olsen, telefon-ikkut peqataavoq

Inuit Ataqtigiit

Juliane Enoksen

Siumut

Malik Berthelsen

Evelyn Frederiksen

Nalunaaqqaarluni peqataanngitsoq

Gideon Lyberth

Imm. 01 Oqaluuserisassat akuerineqarneri

Aalajangiineq

Evelyn Frederiksen tamalaani apeqqutiginiarpaa N.O. tapiissutai pillugit inatsimmullu nutaamut qanoq piareersimatigineq kiisalu illoqarfinni utoqqaat niuffanneqartarnerat.

Juliane Enoksen eqqaaveqarnermut tunngasumik apeqquteqarniarpoq.

Emilie Olsen apeqqutiginiarpaa utoqqaat ornittagaat pillugu.

Evelyn Frederiksen mittarfissuit pillugit paasesaqarusuppoq.

Oqaluuserisassat akuersissutigineqarput.

Imm. 02 Akiani Meeqquerivik 4-mut Suliariumannittussarsiuussinerup inernerata pillugu siulittaasup aalajangiinera - Nuutsineq

Journalnr 17.05/ atuiffik 75-75-10 Akiani Meeqquerivik 4.

Tunuliaqutaq

Innersuussinermit immikkoortumi uani atuiffiit nutaanngitsut Winformatik-system-imiittut atornerqarput, ERP-mi aningaasaqarnermut-system-imi normut nutaat suli ilisarineqarsinnaanngimmata.

Akuleriisitsilluni meeqqerivimmut sisamanik initalimmut Akiani meeqqerivik 4-mik sanaartornissamut missingersuutini 2017-19-imi 21 mil. koruuninik kommunalbestyrelsi ilanngussinikuuvoq. Ilinniartitaanermut, Peqqinnermut, Sunngiffimmi sammisanut Kultureqarnermullu ataatsimiititaliaq 2019-imi apriliip aallaqqaataani ataatsimmiinnermini meeqqerivik nutaassaq eqqartorpaa.

Sanaartortitsisup siunnersuutaa 2017-im oktobarip 25-ani suliarineqarpoq aammalu 2017-im novembarip pingajuani IPSKA ataatsimiinnerani akuersissutigineqarluni. 2017-im decembarip 22-ani siunnersortinik neqeroorutitsinermit Masanti siunnersortinngorpoq, 2019-imi februaarimi neqeroortitsinermit suliniummik suliaqarput. 2019-imi apriliip sisamaani siullermeerluni suliariumannittussarsiuussisoqarpoq, ajoraluartumilli nunalerinermit+betongilerinermit sanasullu suliaassaanni neqeroorummik pissarsisoqanngitsoorpoq, taamaalilluni suliariumannittussarsiuussineq unitsiinnarneqarluni.

Neqeroortitsinermit suliniummi suut ajornartorsiutaanersut pillugu GE ataatsimeeqatigineqareernerata akingorna malitsigisaanillu suliffeqarfimmit siunnersortaasumit allamit suliniut misissoqqissaarneqarnerata kingorna, suliniut Masantimit nutarterneqarpoq neqeroortitseqqittoqarlunilu.

Suliniut nutartigaasooq malillugu 2019-imi decembarip aappaani suliariumannittussarsiuussisoqarpoq, suliaasanilu aggulukkani tamani aammalu suliaassani tamani pingasunik neqeroorutinik tigusaqartoqarpoq.

Entrepreneurimik akikinnerpaamik neqerooruteqartumik sipaarutissanik isumaqatiginninniartoqarnikuuvoq, meeqqerivimmillu sanaartornissamut missiliummik A-mik suliaqartoqarnikuuvoq, takuuk ilanngussaq 1.

Maleruagassatigut tunngavigisaaq

Meeqqerivinnik sanaartortitsineq kommunip 100%-imik suliaassaraa, nunaqarfinni siusinnerusukkut Namminersorlutik Oqartussanit 50 procentimik tapiissuteqartarneq ataatsimoortumik aningaasaliissutinut allanngortinneqarnikummat.

Sanaartornermit neqerooruteqartitsisarneq pillugu Inatsisartut inatsisaat nr. 11, 2. december 2009-meersoq.

Pissutsit atuuttut

Suliniut akuleriisitsilluni meeqqerivimmik nutaamik sisamanik initalimmik aallaavittut meeraaqqerivimmi meeqqanut 2x12-inut + meeqqerivimmi meeqqanut 2x20-nut ilusiligaaavoq. Init nanginik taarsiisarfeqarlutik qasusaarfeqarlutillu assigiipput, taamaalilluni ukioqatigiiaani ataasiakkaani meeqqat amerlassusaat apeqqutaalluni ukioqatigiiaat akornanni allanngorartumik atuisoqarsinnaalluni. Init tamarmik inimit ataatsimoorussamut kiisalu toqqaannartumik aneersaartarfimmut pinnguarterfimmullu aniffissaqarput.



Taakku saniatigut atisaasiveqarpoq, sulisunut atugassaqluni, igaffissuaqluni, innarluutilinnut perusuersartarfeqarluni, atisanut errorsisarfeqarluni, kissarsuuteqarfeqarluni kiisalu aneerussivinnut inissiisarfik ilaannakortumik kiassagaalluni aammalu qilaami silaannarissarfeqarluni.

Illup 695 m²-a tamakkiisumik kiassagaavoq kiisalu aneerussiviisivik silaannarissaateqarfillu ilaannakortumik kiassagaasoq 92m²-uvoq illulu ilanngaataqanngitsumik katillugit 78m²-mik angissuseqarpoq. Kommuni pilersarusiorfigineqarnerani tapiliussa 25 naapertorlugu Akiani bussit kaajallattarfiata kangiatunginnguani sivinganermi sanaartorfiusumi illu inissisimavoq. Silataani atugassarititaasut tassaapput biilnut inissiisarfik, eqqaani pinnguartarfik pinnguarnermut atortulik kiisalu illup kangiatungaani qooqqumi nunaminertaq angisooq pinngortitaalluni, pinnguarfigineqarsinnaasoq.

Meeqquarivimmumut pequtit meeqquarivimmumut ullutsinnut naleqqukkunnaartumit qimanneqartumit atoqqinneqassapput, aammalu meeqquarivimmumut nutaamut meeqqat sulisullu nuussapput.

Entrepreneurimik akikinnerpaamik neqerooruteqartumit isumaqatiginninniarnep kingorna pequtinut aamma nakkutillinnermut aningaasartuutitaqanngitsunngorlugu missiliuut A 23,6 mio. koruuninut appartinneqarpoq, kommuni nammineq nakkutilliillunilu sanaartornermik aqutsisuussamat. Sipaarutaasut tassaapput isertarfiup eqqaani illup qaliata qalliutaanik annikillilineq, sanaartornerup qaammatinik marlunnik sivitsorneqarnera taamaalilluni ukiuunerani suliniutit annikillisinneqarlutik. Tamanna pequtit ilanngunnagit ilanngaataqanngitsumut m²-mut 29.984 koruuninik sanaartornermut akitut annertussuseqarpoq. Kangerlussuarimi illumut tamatigoortumut suliariumannittussarsiuussinermi kingullermi sanaartornermut akigititaq m²-mut 35.981 koruuniunikummat paasissutissiissutigineqassaaq.

Sanaartugassatut suliaasat pingasut atuiffimmit allamit taarserneqarput, naammassineqarlutik paasineqaratilluunniit, taamaalillunilu atuiffinnut tullinnguuttunut ukioq manna aningaasanik sinneruttunik pisariaqartitsisoqassanngilaq:

Atuiffik 72-05-10 Pinnguartarfiit.

Atuiffimmi tassani aningaasat annikitsut ukiuni arlalinni nuutsinneqartarnikuupput. Aammattaq atuiffik 75-06 Silami meeqqanut inuusuttunullu sammisassanut ukiumut 2 mio. koruuninik aningaasaliissutinik pilersitsisoqarnikuuvoq, siunissamilu aningaasaliissutinik taakkunanga pinnguartarfiit aningaasalersorneqarsinnaapput, taamaattumik atuiffimmi 72-05-10-mi aningaasat

annikitsut meeqqerivittulli meeqqanut siunertanut allanut nuutsinneqarsinnaapput. Pinnguarterfinnik annertusaaneq pitsanngorsaanerlu ingerlaannarsinnaassaaq, siunissami atuiffinnut aningaasaliissutit atuinnarlugit. Taakku saniatigut meeqqeriviliortiternermut atatillugu pinnguarnermut atortunik pilimmik qanittumi pinnguarterfimmil pilersitsisoqasaaq, aammalu ammanerup avataani immikkoortumi meeqqanit minnerusunit atornerqarsinnaassaaq.

Atuffik 77-19-10 Umiarsualivimmi aqqusinermik allangortitsineq Quersuup eqqaani Muunup Aqq.-taanik aqqusinermik allangortitsineq asfalterlugu, aqqusinermi sinaakkutinik pilirlugu, aqqusinermi qullersuit bussinullu unittarfik allangortillugit naammassineqarnikuvoq. Aningaasanik sinneruttunik pisariaqartitsisoqanngilaq, taamaattumillu siunertanut allanut nuutsinneqarsinnaallutik.

Atuiffik 77-98-10 Akiani najugaqarfissiamik A30-mik sanaartorfissagissaaneq. Ilaatigut Akiani najugaqarfissiamut A30-mut kommunip pilersaarusiorneqarnerani tapiliussamik 25-mik 2018-imi marsimi kommuni suliaqarnikuvoq. Kommunip pilersaarusiornegineqarnerani tapiliussap taassuma C18 immikkoortuata ilaani kangiatungaani meeqqerivik 4 sanaartorneqartussaavoq. Najugaqarfissamik sanaartorfissagissaanissamut siunnersuummik atugassamik suliaqartoqarnikuvoq, Aningaasaqarnermut ataatsimiititaliali inissiat inissisimanerannut ataatsimut akisuallaartutut isigineqarpoq, 2019-imi maajip 21-ani ataatsimiinnermi sanaartorfissamik nutaanik suliaqartoqassasoq aalajangiunneqarluni. Pilersaarusiornissamut tunngavissamik nutaamik maannamut sulit takkuttoqanngilaq, taamaattumik ukioq manna atugassatut siunnersuummik nutartikkamik suliaqartoqarnissaa angumerineqarsinnaanngilaq, taamaalilluni aningaasat sinneruttut ukioq manna atornerqartussaanaatik, nuutsinneqartariaqassallutilli. Aningaasat amerlavallaat nuutsinneqarnissaat pinngitsoorniarlugu aningaasat sinneruttut ilaat meeqqerivimmik sanaartornermut nuutsinneqarsinnaapput. Pilersaarusiornissamut tunngavissamik nutaamik suliaqartoqareerpat tamatumalu kingorna missiliuut C-talimmik sanaartorfissagissaanermut siunnersuummik atugassamik suliaqartoqarsinnaavoq, A30-mik sanaartorfissagissaanissaq qanorpiaq akeqassanersoq paasineqarsinnaavoq, taamaalillunilu sanaartorfissagissaanissamik ingerlatsinissamut atuiffik 77-50 sanaartorfissagissaanermut aningaasat qanoq amerlatigisut nuutsinneqarsinnaanersut paasineqarluni.

Atuiffinni pingasuni qulaani taaneqartuni aningaasat piviusumik ukioq manna atornerqarsinnaanaviannngimmata, Akiani meeqqerivimmik 4-mik sanaartornermut nuutsinneqarnissaat innersuussutigineqarpoq.

Atuilluartuunissakkut kingunerisinaasai

Meeqqat angerlarsimaffimminnut qanittumi meeqqeriviliarsinnaaniassammata, Akiani meeqqerivik nutaaq oqorsarluagaq atuilluartuuneruvoq. Kangerluarsunnguup avannaatungaani meeqqerivimmik suliffissanillu pilersitsinikkut, assartuussisarneq annikillisinneqarsinnaavoq. Meeqqerivimmit ajornerusumit oqorsagaasumit nutaannginnerusumiit meeqqerivik nutaaq silaannarissarfimmit atueqqittumik nukissamik atuneq aammattaq atuilluartuuneruvoq.

Aningaasaqarnikkut allaffissornikkullu kingunerisinaasai

Suliassaq nuna tamakkerlugu suliariumannittussarsiuunneqarnikuvoq, Sisimiunili entreprenørinit neqeroorutinik taamaallaat tigusisoqarnikuvoq. Aappassaaneerluni suliariumannittussarsiuussinermi neqeroorutit amerlasoorujussuunikuupput, tamakkiisumik suliassanut neqeroorutit pingasut ilangullugit, suliassat ataasiakkaaraangata neqeroorutit sisamaniit

arfineq-marluk tikillugit. Neqeroorut akikinnerpaaq tasaanikuuvoq tamakkiisumik suliassanut neqeroorut, tulliatut akikinnerpaaq tasaanikuuvoq suliassanik ataasiakkaanik ataatsimoortitsineq taamaallaat 616.723 koruuninik akisunerusoq, nikingassutaat procentinngorlugu 2,9 procenti. Aningaasaliisutit aningaasartuutissatullu nalilernerat kiisalu ukioq 2019-imut immikkut aningaasaliisutissatut pisariaqartinneqartut ataani allanneqarput:
Aningaasat 1000 kr.-nngorlugit

Atuiffiup normua	Ukioq missing.	Atuiffiup taaguutaa	Aningaasaliisutit, aningaasat sinneruttut	Ilassutit	Nutaamik aningaasaliine q
75-75-10	2017-2019	Meeqquerivik 4 Akia	21.000	0	21.000
75-75-10	2019	Meeqquerivik 4 Akia	0	2.600	2.600
72-05-10	2019	Pinnguarterfiit	163	-163	0
77-19-10	2019	Sissami aqquserngup allangortinnera	819	-817	2
77-98-10	2019	Akiani najugaqarfiss.sanaartorfiss.	3.893	-1.620	2.273
	Katillugit		25.875	0	25.875

Qaammatinik marlunnik sanaartorerup sivitsorlugu sipaaruteqarnissamut isumaqatiginninniartoqarneratigut, 2022-mi januaarimi meeqqerivik naammassinneqassasoq naatsorsuutigineqarpoq. Taamaalilluni 2022-mi februaarimiit sulisut meeqqallu meeqqerivimmuut nuussinnaalissapput atuilerlutillu.

Allaffeqarfiup naliliinera

Allanik sipaarniarnissamut sanaartukkamut pitsaassutsimut akornutaanngitsumik periarfissaqanngitsoq nalilerneqarpoq. Ininik marlunnik ikilisitseqqinnikkut 3 mio. koruunitut annertutigisut sipaarutigineqaaqqissinnaagaluarput, taamaalilluni meeqqerivik meeqqanut amerlanerpaamik taamaallaat 40-nut inissaqalerluni, taamaaliornikkut meeqqerivinnik nutaanngitsunik pioreersunik meeqqerivik taarsiisinnaanani, aammalu meeqqamut ataatsimut ingerlatsinermi aningaasartuutit qaffasinnerungaatsiassallutik. Suliariumannittussarsiuussinermi unammillerluartoqarnikuuvoq, akikinnerpaamillu neqerooruteqartoq piviusorsortutut isigineqarpoq.

Maani nunanilu allani sanaartorerumut tunngatillugu ulikkaartooqaffimmiippugut, tassa entreprenørit tamarmik sulisussanik pissarsiniarnikkut ajornartorsiuteqarmata, aammalu suliffeqarfiit atortussanik tikisitsisartut atortussat tunniussiniarneri siviisullutik atortussanullu akit amerlasuut annertoorejussuarmik qaffannikuullutik. Tamanna sanaartorerumut m2-imut akit ukialuit matuma siorna neqeroorutaasuniit qaffasinnerulernerannik kinguneqarpoq. Pingajussaanic suliariumannittussarsiuussisoqaaqqikkaluarpat akimik appasinnerusumik pissarsisoqarsinnaasorineqanngilaq, akerlianilli akisunerunissaa ernummatigineqarsinnaalluni, entreprenørit akikinnerpaamik neqeroornikut tamatuma nalaani allanik suliassaqalissagaluarpata.

Atuiffinni pingasuusuni aningaasat nuutsinneqartussatut innersuussutigineqartut, ukioq manna aamma atorneqarnaviangillat.

Allaffeqarfiup innersuussutaa

Teknikkeqarnermut ataatsimiititaliap siulittaasuanut, tamatumalu kingorna Aningaasaqarnermut ataatsimiititaliamut akuereqqullugu malitsigisaanillu Teknikkeqarnermut ataatsimititaliamut paasissutissiissutitut innersuussutigineqarpoq:

-Eqitsimmi sanianiittumi allassimasutut ukioq missingersuuteqarfimmi 2019-imi 2,6 mio. koruuninik nuutsisoqassasoq

-2019-imi decembarip aappaani suliariumannittussarsiuussinerup inernera naapertorlugu entreprenørimik akikinnerpaamik neqerooruteqartumik Sisimiuni Teknikkimut Avatangiisinullu immikkoortortaq isumaqatiginninniarsinnaanerani pisinnaatinneqassasoq malitsigisaanillu sipaarutaarutaasussat qulaani taaneqartunik isumaqatiginniniassasoq

Siulittaasup tulliata aalajangiinera

Teknikkeqarnermut ataatsimiititaliap siulittaasuata tulliata 10. december 2019 ataatsimiititaliaq sinnerlugu innersuussut akuersissutigivaa.

Innersuussut

Teknikkeqarnermut ataatsimiititaliap Aningaasaqarnermut ataatsimiititaliamut innersuussutigivaa akuereqqullugu,

-Eqitsimmi sanianiittumi allassimasutut ukioq missingersuuteqarfimmi 2019-imi 2,6 mio. koruuninik nuutsisoqassasoq

-2019-imi decembarip aappaani suliariumannittussarsiuussinerup inernera naapertorlugu entreprenørimik akikinnerpaamik neqerooruteqartumik Sisimiuni Teknikkimut Avatangiisinullu immikkoortortaq isumaqatiginninniarsinnaanerani pisinnaatinneqassasoq malitsigisaanillu sipaarutaarutaasussat qulaani taaneqartunik isumaqatiginniniassasoq

Aalajangiineq

Innersuussutigineqartut akuersissutigineqarput.

Ilanngussat:

1. Akiani Meeqqerivik 4 sipaarutissat ilanngullugit missiliuut A 2019-imi decembarip pingajuaneersoq.
2. Akiani meeqqeriviup inisisimanera
3. meeqqerivik 4 titartarneqarnera
4. Meeqqerivik 4, illup isui.
5. Meeqqerivik 4, illup saqqai

Næsteformand: Axel Lund Olsen

**Imm. 03 Suliniutip 'Kikkut tamarmik tunniussaqaarsinnaapput' ataani
aningaasaliissutaasunik 2019-imit 2020-mut nuutsineq**

Journal nr. 06.02.04

Tunuliaqutaq

Suliniut 'Kikkut tamarmik tunniussaqaarsinnaapput' atuilluartuunissakkut aningaasaliissutinit 2019-imi apriliimi aningaasaliiffigineqarpoq. Pissutsit assigiinngitsut pissutaallutik 2019-ip naanerani aningaasaliissutit tamakkerlugit atorneqarnissaat angumerineqaarsinnaangimmat, 2019-imit 2020-mut aningaasaliissutit atunngitsuukkat nuutsinneqarnissaat pillugu qinnuteqartoqarpoq.

Maleruagassatigut tunngavigisaq

Qeqqata Kommunianut karseqarnermut naatsorsuuserinermullu malittarisassat.

Pissutsit atuuttut

Suliniut 'Kikkut tamarmik tunniussaqaarsinnaapput' atuilluartuunissakkut aningaasaliissutinit apriliimi 186.350 koruuninik tunineqarpoq. Inuit innarluutillit sulisut pillugit paasissutissanik ilisimasalinnilu siammarterinissaq siunertaralugu paasititsiniaanissamik suliaqarnissamut, suliffeqarfinnut sullissisunullu paasissutissatut atortussanik suliaqarnissamut, illuatungerisanik attuumassutilinnik workshoppertitsinissanut kiisalu Sisimiuni Maniitsumilu paasissutissiilluni ataatsimiititsinissanut aningaasat tunniunneqarput. Qeqqata Kommuniani allaffissuarmi sulisut paarlakaannerat pissutaalluni piffissatut sinaakktissatut pilersaarutaasup iluani suliniut naammassineqaarsinnaangilaq, taamaaattumik aningaasat atunngitsuukkat 105.770 koruunit 2020-mut nuutsinneqarnissaat qinnuteqaatigineqarpoq, taamaalilluni suliniut naammassineqaarsinnaaniassammat. Piviusorsioertutut isigineqarpoq, ukiumi naatsorsuuseriffiusumi 2020-mi suliniut naammassineqaarsinnaasoq.

Atuilluartuunissakkut kingunerisinaasai

Aningaasat suliniutinut atuilluartunut tunniussaapput, ukiup naatsorsuuseriffiusup tullianut aningaasaliissutit nuutsinneqarneratigut suliniutit ingerlanneqarnissaanut periarfissiisoqarpat, kommunimi atuilluartumik ineriartortitsinermut siuarsaataassallutik.

Aningaasaqarnikkut allaffissornikkullu kingunerisinaasai

2019-imi missingersuut

Atuiffiup normua	Atuiffiup taaguutaa	Aningaas.	Ilassutit	Nutaamik aningaasaliineq
3701013532	Ilaqtariittut inuuneq pitsaanerusoq	186.350	-105.770	80.580
	Katillugit	186.350	-105.770	80.580

2020-mut missingersuut

Atuiffiup normua	Atuiffiup taaguutaa	Aningaas.	Ilassutit	Nutaamik aningaasaliineq
545010000-0601020000-010500-	Ilaqtariittut inuuneq pitsaanerusoq	0	105.770	105.770

**Aningaasaqarnermut ataatsimiititaliap decembarip 17-ani 2019 ileqquusumik ataatsimiinnerata 10/2019
imaqarniliornera**

113180500-21018-500223				
	Katillugit	0	105.770	105.770

Allaffeqarfiup naliliinera

Allaffeqarfiup innersuussutigaa, aningaasaliissutit ukiup tullianut naatsorsuuseriffiusumut nuutsinneqassasut, suliniutit atuilluartuusut ingerlanneqarnissaaanut peqataasussaammata, aammalu suliniut pilersaarusiorneqareersoq aallartisarneqareersumullu naammassinninnissamik periarfissiissammat.

Innersuussut

Aningaasaqarnermut ataatsimiititaliamit akuereqqullugu allaffeqarfiup innersuussutigaa,

-Suliniummumut 'Kikkut tamarmik tunniussaqaarsinnaapput' ukioq mannamut 2019-imut aningaasaliissutit sinneri 2020-mut nuutsinneqassasut

Aalajangiineq

Innersuussut akuersissutigineqarpoq.

Ilanngussat

Soqanngilaq

**Imm. 04 Suliniutip 'Inuunerinneq – Inuuneq tamaat' ataani aningaasaliissutaasunik
2019-imit 2020-mut nuutsineq**

Journal nr. 06.02.04

Tunuliaqutaq

Septembarimi kommunalbestyrelsi (kommunalbestyrelsip 2019-imi septembarip 30-ani ataatsimiinnera 05/2019-imi imm. 13-itut) suliniummut 'Inuunerinneq – inuuneq tamaat' aningaasaliissutinik tunniussaqqarpoq. Pissutsit assigiinngitsut pissutaallutik 2019-ip naanerani aningaasaliissutit tamakkerlugit atorneqarnissaat angumerineqarsinnaanngimmat, 2019-imit 2020-mut aningaasaliissutit atunngitsuukkat nuutsinneqarnissaat pillugu qinnuteqartoqarpoq.

Maleruagassatigut tunngavigisaq

Qeqqata Kommunianut karseqarnermut naatsorsuuserinermullu malittarisassat.

Pissutsit atuuttut

Suliniut 'Inuunerinneq – inuuneq tamaat' septembarimi 2.297.000 koruuninik immikkut aningaasaliissutinik tigusaqqarpoq. Pissutsit arlallit pissutaallutik aningaasaliissutit ukioq manna atorneqarnissaat periarfissaqarsimanngilaq. Pissutaasinnaasuni taaneqarsinnaapput:

- Aningaasat qanoq pitsaanerpaamik atorneqarnissaannik paasisaqarnissamut piareersarnissaq misissuinissarlu pisariaqarsimavoq.
- Aningaasaliissutit ilaat pikkorissaanernut atorneqassapput, tamatumani pikkorissaanissami aqutsisussat ukioq manna pikkorissaanissamut periarfissaqarsimanatik.
- Aningaasat allat tarnit pissusiinik ilisimasallit angalasartunut atorneqarnissaat naatsorsuutigineqarpoq, tassungali qaammatinik arlalissuarnik utaqqisoqartarpoq.
- Suleqatigiissitami 1-imi ataqatigiissaarisuusoq aningaasat amerlanersaannik tigusaqarnikuusoq, piffissaligaanngitsumik sulinngiffeqarpoq.

Atuilluartuunissakkut kingunerisinnaasai

Aningaasat suliniutinut atuilluartunut tunniussaapput, ukiup naatsorsuuseriffiusup tullianut aningaasaliissutit nuutsinneqarneratigut suliniutit ingerlanneqarnissaanut periarfissiisoqarpat, kommunimi atuilluartumik ineriartortitsinermut siuarsaataassallutik.

Aningaasaqarnikkut allaffissornikkullu kingunerisinaasai

2019-imi missingersuut

Atuiffiup normua	Atuiffiup taaguutaa	Aningaas.	Ilassutit	Nutaamik aningaasaliineq
49-03-00-00-01	Inooqataanikkut atugassaarneq	950.000	-950.000	0
49-03-00-00-02	Angajoqqat akisussaaneri	157.000	-157.000	0
49-03-00-00-03	Immikkut pisariaqartitsisut	380.000	-270.300	109.700
49-03-00-00-04	Siusissukkat iliuseqarneq	140.000		
49-03-00-00-05	Ilaqutariit paarsisartut	170.000		

**Aningaasaqarnermut ataatsimiititaliap decembarip 17-ani 2019 ileqquusumik ataatsimiinnerata 10/2019
imaqarniliornera**

49-03-00-00-06	Eqeersimartumik sunngiffik	450.000	-400.000	50.000
49-03-00-00-07	Peqqinnartumik sammisassa qarfiusumillu ukioqqortusiartorneq	50.000	-50.000	0
	Katillugit	2.297.000	-2.050.255	246.745

2020-mut missingersuut

Atuiffiup normua	Atuiffiup taaguutaa	Aningaas.	Ilassutit	Nutaamik aningaasaliineq
545010000-0601020000-010500-122082100-21210-500207	Inooqataanikkut atugarissaarneq	0	950.000	950.000
545010000-0601020000-010500-122082100-21211-500208	Angajoqqaat akisussaaneeri	0	157.000	157.000
545010000-0601020000-010500-122082100-21212-500209	Immikkut pisariaqartitsisut	0	270.300	270.300
545010000-0601020000-010500-122082100-21213-500210	Siusissukkut iliuuseqarneq	0		
545010000-0601020000-010500-122082100-21214-500211	Ilaqutariit paarsisartut	0		
545010000-0601020000-010500-122082100-21215-500212	Eqeersimartumik sunngiffik	0	400.000	400.000
545010000-0601020000-010500-122082100-21216-500213	Peqqinnartumik sammisassa qarfiusumillu ukioqqortusiartorneq	0	50.000	50.000
	Katillugit	0	2.050.255	2.050.255

Allaffeqarfiup naliliinera

Allaffeqarfiup innersuussutigaa, aningaasaliissutit ukiup tullianut nuutsinneqassasut, suliniutit atuilluartuusut ingerlanneqarnissaaanup peqataasussaammata, aammalu suliniutit ingerlanneqannginnerini piareersarnissamut pissutsinillu misissuinissamut periarfissaqalissammat.

Innersuussut

Allaffeqarfiup Aningaasaqarnermut ataatsimiititaliamit innersuussutigivaa akuereqqullugu,

-Suliniummup 'Inuunerinneq – inuuneq tamaat' ukioq mannamut 2019-imut aningaasaliissutit sinnerit 2020-mut nuutsinneqassasut

Aalajangiineq

Innersuussutigineqartoq akuersissutigineqarpoq.

Ilanngussat

Soqanngilaq

Imm. 05 Nunaqarfinni utoqqaat inissiaannut aningaasaliissutit

Journal nr. 17.15.02

Tunuliaqutaq

Qeqqata kommunalbestyrelsip 2020-mut missingersuutit ukiullu missiluiteqarfiusut siullermeerneqarnerini aalajangerpaa, aningaasaliissutit 10.795.000 koruunit nunaqarfinni sanaartukkat katiteriaannarnit utoqqarnut inissianut nuunneqassasut. Kangerlussuarmi Kangaamiunilu utoqqarnut inissianik sanaartornissaq salliunneqartussatut inissinneqarpoq, Kangerlussuarmi utoqqarnut inissiaqartoqannginnera pequtaalluni aammalu Kangaamiuni utoqqaat amerlinikummata.

Maleruagassatigut tunngavigisaaq

Teknikkeqarnermut ataatsimiititaliaq sanaartornermut immikkoortortamut akisussaasuvoq. Atugarissaarnermut ataatsimiititaliaq utoqqarnut immikkoortortamut akisussaasuvoq. Aningaasaqarnermut ataatsimiititaliaq Inissiaatileqatigiiffik INI A/S-imut, kommunip iniutaanik allaffissornikkut ingerlatsisumut, ingerlatsineranut isumaqatigiissummut akisussaasuvoq.

Pissutsit atuuttut

Namminersorlutik Oqartussat ukiorpaalunni sanaartukkat katiteriaannaat Illorput 2100 kommuninut tunniunneqartarnissai salliunnikuuai, taakkulu kommunit nunaqarfinni sanaartortittarlugit. Inissiat taakkua 91 imaluunniit 112 m²-isut angitigisuupput, ineqarnermullu akiliutaasartut qaffasissorujussusarlutik. Tamatuma nassataraa illut annerusumik ilinniartitsisunit najugarineqarnerat, taakku IMAK isumaqatigiissutit aqutugalugit inimut akiluiteqarnermut annertungaatsiartumik tapiiffigineqartarlutik. Kangerlussuarmi sanaartukkat katiteriaannaat arlallit sananeqarnikuupput, innuttaasut nalinginnaasut taakkuninnga soqutiginninnikummata, aammalu Kangerlussuarmi innuttaasut nalinginnaasumik qaffasissumik isertitaqartuugamik.

2018-imi Namminersorlutik Oqartussat sanaartukkanut katiteriaannarnut kommuninut pisisarnermut aningaasaliissutit nuunneqassasut toqqarpaa, taamaalillutik kommunit nammineeirlutik sanaartukkanut katiteriaannarnut pisisalissallutik. Taamaalilluni aningaasaliissutit kommunip missingersuutaanut qaffaataapput ukiumut 6 mio. koruuniniit 10,795 mio koruuninut. Malitsigisaanik Namminersorlutik Oqartussat nalunaarutigivaattaq, kommunit sanaartukkat katiteriaannaat kisiisa atortariaqanngikkai, kisiannili aamma aningaasaliissutit nunaqarfinni inissianut allaanernut atorsinnaagaat.

Nunaqarfinni inissianik Illorput 2100-nik angisuunik niuerniarnerup malitsigisaanik naammatsippasimmat, kommunalbestyrelsip 2020-mut missingersuutit ukiullu missiluiteqarfiusut 2019-imi aggustip 29-ani siullermeerneqarnerini pingaarnersiorpaa, sanaartukkanut katiteriaannarnut aningaasaliissutit nunaqarfinni utoqqarnut inissianut atorlugit pingaarnersiorneqassasut 2020-mit atuutilertussamik. Ilutugalugu pingaarnersiorneqarpoq Kangerlussuarmi Kangaamiunilu utoqqarnut inissianik sanaartornerup aallartinneqarnissaa.

Nunaqarfinni utoqqalinersiallit, utoqqarnut inissiat utoqqaallu angerlarsimaffiani inissat amerlassusiinut paasissutissat 2019-imi januaarip aallaqqaani ima isikkoqarput:

1 januar 2019-imi	Kangerlussuaq	Sarfannugit	Itilleq	Kangaamiut	Napasq	Atammik
Pensionisiallit	13	3	2	38	13	13
Utoqqarnut inissiat	0	4	5	0	4	4
Utoqqaat angerlarsimaffiini inissat	0	0	0	10	0	0

Nunaqarfinni utoqqarnut inissiat maannamut sananeqareernikut pisoqaanerumaat innarluutilinnut tulluarsarneqanngitsut uffarfeerallillu kaassuartakkanik atuisut atorsinnaanngisaannik.

Kommunalbestyrelsip ulloq 31. oktober 2019 ataatsimiinnermini aalajangerpaa, Kangaamiut nammineq toqqaassasq utoqqarnut inissianik imaluunniit meeqqerivimmik nutaamik sanatitserusunerlutik.

Qeqqata Kommunia illoqarfinni utoqqarnut inissiarpaalunnik sanaartortitsinikuuvoq, kisianni quleriaat (punkthuse) elevatoritaliunerullutik. Taamaattoq kommunimi nutaami utoqqarnut inissiat siullit pukkitsuutillugit, Maniitsumi utoqqaat angerlarsimaffiata saavani maninnersami sanaartorneqarput. Taamatut sanaartorneq ilaatigut Kangerlussuarmi atoqqinneqarsinnaagaluarpoq, nunaminertat maninnerpassuugamik. Kangaamiuni Pilersuisup pisiniarfiata saavani inissiat isaterneqarnikut utoqqarnut inissianut pukkitsunik sanileriaaaniq sanaartorluni atorineqarsinnaagaluarput.

Atuilluartuunissakkut kingunerisinnaasai

Atuilluartuunerussaaq inissianik sanileriaaaniq sanaartortoqassappat inissianik immikkuutitaartunik sanaartornermiit, inissiat sanileriaat atuinikinnerummata, affarlerisamut iigaq kiassagaammat aammalu ataatsimoorussamik ataasiinnarmik kissarsuuteqarfeqarnissamut periarfissaqarmat. Atuilluartuunerussaaq utoqqarnut inissiassanit suliniutit pitsaasut atoqqikkaanni nutaanik utoqqarnut inissiassanut suliniutinik ineriartortitsinissamut nukiit atorineqarnerininngaanniit.

Aningaasaqarnikkut allaffissornikkullu kingunerisinaasai

Utoqqarnut inissianik arlalikkaaniq sanaartortoqassagaluarpat, sanaartortitsinermut akiusoq nunaqarfinni utoqqarnut inissiaq ataaseq 2 mio. koruunit missaanniissaaq. Utoqqarnut inissiat, illoqarfinni utoqqarnut inissiat sanaartorneqarnikut assigalugit 70m² missaaniq annertussuseqarlutik, marlunnik initaliussasut siunnersuutigineqarpoq. Kangerlussuarmi innuttaasunit utoqqaanerusunit pisariaqartinneqanngippata, inissarsiorturnut utaqqisoqarmat inissiat inissiatut nalinginaasutut attartortinneqarsinnaapput. Sanaartorneqarnissaanut akiusoq appasitsinniarlugu, pilersuinnermut aqqutit ataatsimut atorineqarsinnaaniassammata inissiatut sanileriaaaniq sanaartornerup ingerlanneqarnissaa siunnersuutigineqarpoq. Pissusissamisoornerussaaq Kangerlussuarmi utoqqarnut inissiat arfineq-pingasut aallaqqaasiullugit sanaartorneqarpat, malitsigisaanillu Kangaamiuni utoqqarnut inissianik imaluunniit meeqqerivimmik sanaartortitsisoqassanersoq paasinarsippat, Kangaamiuni ingerlatiinnarlugu.

Taamaammat pissusissamisoornerussaaq aningaasaliissutit ataatsimoorussamik atuiffimmit Kangerlussuarmut 2020-21-mut nuutsinneqarpat. Aningaasaliissutillu sinneri Kangaamiunut 2021-mi aamma 2022-mi atorineqarlutik.

2020-mut missingersuut

**Aningaasaqarnermut ataatsimiititaliap decembarip 17-ani 2019 ileqquusumik ataatsimiinnerata 10/2019
imaqarniliornera**

Atuiffiup normua	Atuiffiup taaguutaa	Aningaas.	Ilassutit	Nutaamik aningaasaliineq
70-48-00-50-61	Utoqqarnut inissiat - ataatsimoortut	10.795	-10.795	0
70-48-30-50-61	Kangerlussuarmi utoqqarnut inissiat.	0	+10.795	10.795
	katillugit	10.795	0	10.795

Miss 2021

Atuiffiup normua	Atuiffiup taaguutaa	Aningaas.	Ilassutit	Nutaamik aningaasaliineq
70-48-00-50-61	Utoqqarnut inissiat - ataatsimoortut	10.795	-5.205	5.590
70-48-30-50-61	Kangerlussuarmi utoqqarnut inissiat.	0	+5.205	5.205
	katillugit	10.795	0	10.795

Allaffeqarfiup naliliinera

Kangerlussuarmi utoqqarnut inissiat toqqagassaq alla malillugu ataatsimoortunik, Maniitsumi sanaartornikut assinganik oqquisitamik kaajaluisalikkamik sanaartortoqaannassagaluarpata, Kommuniup pilersaarusiorfigineqarneranut tapiliussa 26 tunngaviumik pilersaarusiorneqarnera iluarsineqaratarsinnaavoq, tassani taamaallaat ilaqutariinnut ataatsinut illunik immikkut inissisimasunik imaluunniit sanaartukkanik sanileriaaanic sisamat miss. inissiertalinnik marlunnik qaleriilinnik takussutissartaqarmat. Inissiat sanileriaaanic sanaartorneqassagaluarpata pingasut-sisamanik inissiertallit ataatsimik quleriitallit, tunngaviumik pilersaarusiaq pioreersoq atorqeersinnaassaaq, aammalu akikinnerusumik erngup kuuffissuillu attaviinik pilersitsisoqarsinnaassalluni.

Kangerlussuarmi immikkoortoq A7 Qeqqap eqqaaniittoq KPT 26-mi utoqqarnut inissianik sanaartorfissatut immikkoortinneqarpoq, Kyle-ip Aqqusernatigut bussit aqquataannut qanimmat. Immikkoortoq sanaartorfigissarneqareerpoq innaallagiaqarluni, imeq kuuffissuarlu.

Allaffeqarfiup nalilerpaa pissusissamisoernerussasoq Maniitsumi utoqqarnut inissianut suliniutip atoqqinneqarnissaa, toqqagassaasinnaalluni alla kommunini allani suliniut/illu ineriartorteriigaq atussallugu, utoqqarnut inissiat illutut pukkitsutut/sanileriaaanic sanaartorneqarsimassappata. Tamatuma kingorna Kangerlussuarmi pilersuineranut attavilersuinissamat, ataatsimoorussamik kissarsuutilernissamat, innaallagissamik pilersuineranut 60Hz-imut tulluarsaanissamat suliniummik tulluarsaanermik suliaqartoqartariaqassaaq, qeriuannartumullu toqqavilersuinissamat.

Allaffeqarfiup innersuussutaa

Teknikkeqarnermut ataatsimiititaliamut aammalu Aningaasaqarnermut ataatsimiititaliamut akuerisassanngorlugu innersuussutigineqarpoq,

-eqitsisit qulaaniittut naapertorlugit nuutsisoqassasoq

-Ataatsimik quleriilerlugu sanileriaaanic sanaartukkanik marlunnik initalinnik utoqqarnut inissianik sanaartortoqarnissaanut suliniutaareersoq misilillugu atoqqinneqarniassasoq

Teknikkimut ataatsimiititaliap suliamik suliarinninnera

Ataatsimiititaliaq 3. december 2019 ataatsimiinnermini aalajangiivoq Kangerlussuup siunissaata suli nalorninarqarnera patsisingalugu 2020-mi aamma 2021-mi aningaasaliissutit avinneqarnissaat kissaatingineqarpoq, siunnersuutigineqarpoq aningaasaliissutit affai Kangaamiunut, affai Kangerlussuarmut. Økonomiudvalg-mut ingerlateqqinneqassasoq.

Innersuussut

Teknikkeqarnermut ataatsimiititaliap Aningaasaqarnermut ataatsimiititaliamut innersuussutigivaa akuereqqullugu,

- Kangerlussuup siunissaata suli nalorninarqarnera patsisingalugu 2020-mi aamma 2021-mi aningaasaliissutit avinneqarnissaat kissaatingineqarpoq, siunnersuutigineqarpoq aningaasaliissutit affai Kangaamiunut, affai Kangerlussuarmut

Aalajangiineq

Aalajangiunneqarpoq ataatsimik quleriilerlugu sanileriaatut sanaartukkanik marlunnik initalinnik utoqqarnut inissianik sanaartortoqarnissaanut Maniitsumi suliaareersoq misilillugu atoqqinneqarniassasoq.

Kangerlussuarmut tunngasoq isumaqatigineqanngilaq Kangerlussuarmullu aningaasaliissutit ataatinarneqartut aamma aqqusinermut tunngatillugu. Aningaasat avinneqarnissaat isumaqatigiissutigineqarpoq.

Ilanngussat

1. XX – Qulequtaq

**Imm. 06 Atuiffik 5 iluani missingersuutitigut nuutsisoqarnissaa pillugu qinnuteqaat 2019
Sisimiut**

Journalnr. 06.02.04

Tunuliaqutaq

Atuiffiup 5-ip 2019-imi iluani nuutsisoqarnissaa pillugu Sisimiuni Ilinniartitaanermut immikkoortorta qinnuteqaateqarpoq

Maleruagassatigut tunngavigisaq

Qeqqata Kommunianut karseqarnermut naatsorsuuserinermullu malittarisassat.

Pissutsit atuuttut

Ulluinnarni atuinnermut tunngatillugu missiliuuteqarfinnut nammineq killigititanut assigiissaarisooqartariaqarpoq.

Aningaasaqarnikkut allaffissornikkullu kingunerisinaasai

Atuiffik	Atuiffiup taaguutaa	Missing (1.000 kr)	All.nuuss. (1.000 kr)	Missing Nutaaq (1.000 kr)
5	ATUARFEQARNEQ KULTURILLU			
50	ULLUUNERANI MEEQQANIK INUUSUTTUAQQ.PAAQINNITTARFIK	70.117	0	70.117
51	ATUARFEQARFIIT	130.795	0	130.795
53	SUNNGIFFIMMI SAMMISASSAQARTITSINEQ	16.068	0	16.068
55	ATUAGAATEQARFEQARNEQ	2.401	0	2.401
56	KATERSUGAASIVIIT	3.141	0	3.141
59	KULTURIKKUT QAAMMARSAANIKKULLU INGERLATSINEQ	14.245	0	14.245
5	ATUARFEQARNEQ KULTURILLU	236.767	0	236.767

Suliaqarfiit ataasiakkaat iluini atuiffiit akornanni.

Atuiffiit akornanni nuutsineriinnaammat, Sisimiuni atuiffik 5-imi Missingersuutini kinguneqassangilaq, (tak. ilanngussaq 1).

Allaffeqarfiup innersuussutaa

Allaffeqarfiup innersuussutigaa,

-Ilinniartitaanermut ataatsimiititaliap 2019-imi atuiffik 5 Sisimiut iluani nuutsinissat akuersissutigissagai, suliarlu aningaasaqarnermut ataatsimiititaliamut ingerlateqqinneqassasoq

Ilinniartitaanermik ataatsimiitsitaliap suliamik suliarinninnera

Ataatsimiitsitaliap 2. december 2019 ataatsimiinnermini innersuussut akuersissutigivaa.

Innersuussut

Ilinniartitaanermut ataatsimiitsitaliap aningaasaqarnermut ataatsimiitsitaliamut innersuussutigivaa akuereqqullugu.

-Ilinniartitaanermut ataatsimiititaliap 2019-imi atuiffik 5 Sisimiut iluani nuutsinissat akuersissutigissagai

Aalajagiineq

Innersuussut akuersissutigineqarpoq.

Ilanngussat

1. Sisimiuni atuiffik 5-imi 2019-imi nuutsineq

Imm. 07 Ukioq 2019 Konto 3 aamma 5-ip iluani missingersuutitigut nuutsinissamik qinnuteqaat Maniitsoq

Journalnr. 06.02.04

Tunuliaqutaq

Kontoni assigiinngitsuni, konto 3 aamma 5-ip iluani ukioq 2019 nuutsisoqarnissaanik, Maniitsumi Ilinniartitaanermut Immikkoortortaq qinnuteqarpoq.

Maleruagassatigut tunngavissat

Qeqqata Kommuniani karseqarnermut naatsorsuuserinermullu malittarisassat.

Pissutsit atuuttut

Aningaasalissutit iluini nuutsisoqarnissaanik pisariaqartinneqarmat, ulluinnarni atuineq malillugu.

Aningaasaqarnikkut allaffissornikkullu kingunerisinnaasai

Atuiffik	Atuiffiup taaguutaa	Missing (1.000 kr)	All.nuuss. (1.000 kr)	Missing Nutaq (1.000 kr)
3	SULIFFISSAQARTITS. INUUSSUTISSARSIORNERMU			
34	SULIFFISSAQARTITSINIARLUNI ILIUUTSIT	2.593	0	2.593
35	SUNGIUSAAQQINNEQ	761	0	761
37	KOMMUNEP INUUSSUTISSARSIORNERMUT KALLUUS.	126	0	126
38	PIAREERSARFIK	4.021	0	4.021
39	SULIFFISSAQARTITSINIARNERMI ANINGAASALIISSUTIT	2.502	0	2.502
3	SULIFFISSAQARTITS. INUUSSUTISSARSIORNERMU	10.003	0	10.003

Atuiffik	Atuiffiup taaguutaa	Missing (1.000 kr)	All.nuuss. (1.000 kr)	Missing Nutaq (1.000 kr)
5	ATUARFEQARNEQ KULTURILLU			
50	ULLUUNERANI MEEQQANIK INUUSUTTUAQQ.PAAQINNITTARFIK	22.992	1.000	23.992
51	ATUARFEQARFIIT	48.888	-1548	47.340
53	SUNNGIFFIMMI SAMMISASSAQARTITSINEQ	5.469	548	6.017
55	ATUAGAATEQARFEQARNEQ	949	0	949
56	KATERSUGAASIVIIT	1.048	0	1.048
59	KULTURIKKUT QAAMMARSAANIKKULLU INGERLATSINEQ	3.286	0	3.286
5	ATUARFEQARNEQ KULTURILLU	82.632	0	82.632

Konto 3 aamma 5 Maniitsoq Missingersuutitigut sunniuteqassanngilaq, konto-t iluminni nikisitsineruinnarpoq, (ilanngussaq 1 takujutk.).

Allaffeqarfiup innersuussutaa

Allattoqarfiup innersuussutigivaa,

Ilinniartitaanermut Ataatsimiititaliap akuersissutigissagaat Ukioq 2019 Konto 3 aamma 5-ip iluani missingersuutitigut nuutsinissamik qinnuteqaat Maniitsoq, Aningaasaqarnermullu Ataatsimiititaliamut ingerlateqqillugu.

Ilinniartitaanermut ataatsimiitsitaliap suliamik suliarinninnera

Vakant-fissanik misussuisoqarnissaanik piumasaqarput ataatsimiitsitaliaq Qeqqata Kommunia tamaat.

Ataatsimiitsitaliap 2. december 2019 ataatsimiinnermini innersuussut akuersissutigivaa.

Innersuussut

Ilinniartitaanermut ataatsimiitsitaliap Aningaasaqarnermut ataatsimiitsitaliaq innersuussutigivaa akuereqqullugu.

-Ukioq 2019 konto 3 aamma 5-ip iluani missingersuutitigut nuutsinissamik qinnuteqaat Maniitsoq

-Vakant-fissanik misussuisoqarnissaanik piumasaqarput ataatsimiitsitaliaq Qeqqata Kommunia tamaat

Aalajagiineq

Innersuussutigineqartoq akuersissutigineqarpoq.

Ilanngussaq

1. Missingersuutininik nuussineq ukioq 2019 siunissamullu konto 3 aamma 5 Maniitsoq

**Imm. 08 Kalaallit Nunaanni erngup nukinga atorlugu nukissiuuteqarfinnik
pingaarnersiuneq pillugu Naalackersuisunut saaffiginnissut pillugu innersuussut**

Journalnr. 2501.01.02

Tunuliaqutaq

Inatsisartut aalajangiiffigisassaattut siunnersuut Naalackersuisut peqquneqarnissaat pillugu sulissutigeqqullugu erngup nukinganik iluaquteqarluni nukissiorfiliornissaq Qasigiannuanut aamma Aasiannut pilersuisussamik, aamma Nuup erngup nukinganik iluaquteqarluni pilersorneqarnerata annertusineqarnissaanik Inatsisartut aappassaaneerinninnermini akuersissutigaat, ilaatigut tullinnguuttutigit maleruagassalerlugu:

- Inuiaqatigiinnut akilersinnaaneranut kingunissanik nalilersuinerit saqqummiussami ilitsersuut ilaatinneqassasoq, ernialersuineq ilanngullugu.
- Naalackersuisut kingusinnerpaamik UKA 2020-mi sanaartornissamut siunnersuummik saqqummiussaqaassapput, aningaasalersuinissamut, ingerlatsinissamut aamma piginnittuunermullu tunngasunik, tassungalugu inatsisitigit tunngavissanik psiariaqartitanik Naalackersuisut suliaqarnermik aallartitsissapput.

Aalajangiiffigisassatut siunnersuutikkut 153-ikkut aammattaq taaneqarpoq, Maniitsumi, Paamiuni Nanortalimmilu erngup nukinga atorlugu nukissiorfinnik sanaartornissamik Naalackersuisut suliaqassasut. Nalilersuillunili sulineq pingaarnersiorneqanngikkuni piffissamik tiguisarpoq, aammalu Nuummi, Aasianni-Qasigiannuani erngup nukinga atorlugu nukissiorfinnik aningaasalersuineq pillugu aalajangiisoqareersimasinnaanera navianaateqarsinnaavoq, sanaartornissat sinnerinik nalilersuinerit suli naammassinngitsut.

Kalaallit Nunaanni erngup nukinganik nukissiuuteqarnermut siunissami aningaasaliinissaq 3 milliardit tikillugit akeqartussaasoq, aammalu Maniitsumi erngup nukinga atorlugu suliniut ilanngukkaanni 3,7 milliardtinut qanillattortoq, Kalaallit Nunaanni Mittarfinnut nutaanut Kalaallit Airports A/S aningaasalersuinissamik pilersaarutaannut tunngatillugu assingusorujusuusoq, takuuk ukiumut naatsorsuutaat 2018-imeersoq, pillugu KNR-ikkut allaaserisanik arlalinnik aammalu Kalaallit Nunaanni Namminersorlutik Oqartussanit naqitanik saqqummiussamik 2019-imi ukiakkut takkuttoqarpoq. Aningaasaliinissamut pilersaarutit taakkuinnaat annertussusaasa pisariaqartilerpaat, suliniutinik eqqortumik pingaarnersiunissaq, taamaalilluni sanaartornissamut aningaasaliissutaasunik taarsiilluni akiliinisaq aammalu siunissami ingerlatsinermi aningaasartuutissat nuna tamakkerlugu atuisunit akilerneqassallutik, nuna tamakkerlugu sullissinermut Nukissiorfinnut akimik assigiimmik eqqussisoqarnikummat.

(Takuuk ilanngussa) Qasigiannugit Aasiaallu eqqaanni erngup nukinga atorlugu nukissiorfimmuut aningaasaliinissaq pillugu www.knr.gl-imi allaaserisaq 2019-imi oktobarip qulinganeersoq ilaatigut Aasiaat-Qasigiannugit pillugit erngup nukinga atorlugu nukissiuuteqarfimmuut missingersuut pillugu imatoqqissaq allassimasoqarpoq:

"Nukissiuutit 2030-imi sapinngisamik piujuaannartitsinermik aallaaveqartuunissaat.

Naalackersuisut anguniagaraat.

Nukissiuuteqarnermullu naalackersuisoq Jess Svane naapertorlugu, tamanna anguneqariartorpoq. Qasigiannuanut Aasiannullu pilersuisussamik erngup nukinganik nukissiorfiliornissaq, Nuummilu erngup nukinganik nukissiorfiup allilernissaa Naalackersuisut sulissutigaat...Kisianni sanaartornissanut

aalliliinissamullu aningaasat suminngaanniissappat? Naalakkersuisut naatsorsuinerat malillugu tre milliard koruuninik nassaartoqassaaq. Inatsisartut toqqagaat Naalakkersuisut nukissiorfiliornissamut alliliinissamullu siunnersuusiornerminni tunngavigissavaat. Taakkulu sanaartornermut ataatsimiititaliamit maanna misissorneqarput, Inatsisartut toqqagaat Naalakkersuisut nukissiorfiliornissamut alliliinissamullu siunnersuusiornerminni tunngavigissavaat.....
Siunnersuut taanna kingusinnerpaamik aappaagu ukiakkut ataatsimiinnissami saqqummiunneqassaaq.
Qasigiannugit eqqaanni nukissiorfik ukiut 22-t ingerlaneranni 217 millionit koruuninik annaasaqarfiussangatinneqarpoq...”

Allaaserisami 3 milliard koruunit taakkartorneqartut Nuup aamma Aasiaat eqqaanni erngup nukinga atorlugu nukissiorfinnik alliliinissatullu pilersaarutaasunik aningaasat inernerat eqquutipajaarpoq, ilanngussaq 2-mi Nukissiorfiit nassuiaataanni marluullutik 2,8 mia. koruuninik akeqassallutik. Allasserisap sinnerani Nuummi erngup nukinga atorlugu nukissiorfimmik alliliinissaq ilanngullugu aningaasalersuinissamut tunngasut pineqarput, taamaalluni suliniutaasut marluullutik 248 mio. koruuninik sinneqartoorutaassallutik.

Allatut oqaatigalugu aningaasaqarneq eqqarsaatigalugu, suliniutip sinneqartoorutaasussap ilannguani suliniummik amigartoorutaasussamik sanaartortoqarniarpoq. Allaaserisap apequtissaqartitsilerpoq, Qasigiannugit-Aasiaat suliniummut sanilliullugu inuiaqatigiinnut aningaasaqarnikkut imminut akilersinnaanerusumik erngup nukinganik nukissiummik suliniummik allamik nassaartoqarsinnaanginnersoq. Tamanna nassaassaappat, soorunalimi malitsigissavaa, erngup nukinga atorlugu nukissiuutit avatangiisitigullu suliniutit sinneri, Qasigiannugit-Aasiaat suliniummi aningaasaqarnikkut imminut akilersinnaangitsut, kisianni avatangiisitigut politikikkut pingaaruteqartuusut, malitsigisaanik suliniutinit aningaasaqarnikkut imminut akilersinnaasunit isertitat aqutigalugit sukkanerusumik suliarineqarsinnaapput.

Allaaserisami Nukissiorfinnit allaaserisap Qasigiannugit-Aasiaat suliniut pillugu tullinnguuttutigut ilaatigut inernilerneqarpoq:

”Erngup nukinga atorlugu nukissiorfiup Qasigiannugit-Aaisaat qullernut, nukinnut kissamullu nukinnik atuinerup tamakkiisup 95 procentiata missaa matussusissavaa. Ullumikkut inuit ataasiakkaat kissarsuutimmik kissamik atortagaasa annersaanik imaqarpoq. Erngup nukinga atorlugu nukissiorfiup ilaatut illunut erngup nukinga atorlugu nukissiorfimmik aallaavilimmik kissamik pilersuineramik plilersitsisoqassaaq, taannalu sullitanut ataasiakkaanut soorluttaaq inuiaqatigiinnut iluaqutaassasoq. Sumi tamani periarfissaqarfiani nukissiuutit ataavartut pillugit Nukissamik- aamma Imerkik pilersuinermit Nuna tamakkerlugu pingaarnertut anguniakkap anguneqarnissaanut, suliniutit aalajangiisuullunilu alloriarnerussaaq pisariaqartoq....Qasigiannugit-Aasiaat erngup nukinganik nukissiorfiinnarmut 1,1-1,2 mia. koruunninik aningaasaliiffiqineqarnissaanik pisiariaqartutut naatsorsuutigineqarpoq, aammalu illoqarfinni marluusuni innaallagissamut aqutinik ingerlatsinermillu tulluarsaanermut sulit 0,2-0,3 mia. koruunit. Inuiaqatigiit aningaasaqarneranni maannakkut inuiaqatigiit ineriartoreranni uuliamullu akigitinneqartut atuuttunik, suliniut akigititani aalajangersimasuni 217 mio. koruuninik amigartooritsissaaq....”

Iniuatigiit aningaasaqarnerannik misissuineq pilugu Nukissiorfiit nalunaarutaat naapertorlugu misissuineq ukiut 22-t atorpeqarsimapput, aammalu taaneqarpoq, erngup nukinga atorlugu nukissiuutit sivsunerungaatsiartumik piusinnaasut aammlau taamaattumik inuiaqatigiit aningaasaqarnerat pillugu nalilersuinerup kingorna sinneruttumik naleqarnerussalluni.

Nukissiorfiit nittartagaat aallerfigalugu ullumikkut erngup nukinga atorlugu nukissiorfiit makkuupput:

Ateq	Pilersuiffiusoq	Atulerpoq	Alliliineq:	megawatt- inngorlugu piginnaasaat	Nalinga katillugu (mio kr., 2017-imi akit)
Utoqqarmiut Kangerluarsunnguut	Nuuk	1993	2008	45	1.730
Tasiilaq	Tasiilaq	2004	(2017- 2021)	1,2	84
Qorlortorsuaq	Narsaq aamma Qaqortoq	2008		7,6	401
Sisimiut	Sisimiut	2010		15	598
Paakitsoq	Ilulissat	2013		22,5	670
katillugit				91,3	3.483

Nukissiorfiit nukissamik matussusiinissamut pisariaqartitaata matussusernissaanut ikuallaavinnik sanaartugassatut pilersaarutaasunit nukimmik aningaasaqarnikkullu naatsorsuineq pillugu imaqartumik eqqagassalerinermut pilersaarummik siusinnerusukku TAISIS suliaqarnikuuvoq, tassungalu atatillugu ilanngussaq 5-mi takuneqarsinnaasumi Maniitsup eqqaani Kangerluarsuk-mi erngup nukinga atorlugu nukissiorfiusinnaasutut periarfissamik ilisimasaqalernikuulluni. Takuuk ilanngussaq 4 "Kalaallit Nunaanni erngup nukinga atorlugu nukissat" Maniitsumi erngup nukinga atorlugu nukissiorfik Sisimiuni erngup nukinga atorlugu nukissiorfimmi pioreersutuulli assingusumik piginnaasaqassaaq, illoqarfimmut ungasissusissaa assigingajallugu, taamaattumillu sanaartorneqarnissaanik aningaasat assigiingajassallutik. Takuuk allaaserisaaq, UKA 2020-mi Inatsisartut aatsaat erngup nukinga atorlugu nukissiuutit eqqartussavaat, aammalu erngup nukinga atorlugu nukissiorfiit sumiluunniit inissinneqaralarunik, pilersaarusiornep piffissaata kingorna aatsaat 2022-mi missaani aallartinneqarsinnaasut ilimagineqarpoq. 2017-imit Nukissiorfiit naliliinerata kingornali aningaasat nalingata annertusiartornerannik ilaneqarpat, Maniitsup eqqaani Kangerluarsuk eqqaani erngup nukinga atorlugu nukissiorfik 660 mio. koruuninik missiliorneqarnissaa naatsorsorneqarsinnaavoq. Maniitsup eqqaani Kangerluarsummi erngup nukinga atorlugu nukissiorfik taamaalilluni suliniutitut imminut akilersinnaasutut isikkoqarpoq, Qasigiannguut-Aasiaat suliniutitut annertutigisumik avatangiisitigut politikkaa minnerpaamik annertoqatigalugu.

Maniitsup eqqaani erngup nukinga atorlugu nukissiorfimmi missiliuut tatiginartutut naatsorsuutigisariaqarpoq, Sisimiut eqqaani erngup nukinga atorlugu nukissiorfimmi pioreersumik illoqarfimmut ungasissusaanut pissutsit atugassarititaasut toqqaannartumik sanilliunneqarsinnaammata, tassunga ilanngullugit annikitsumik sapsuornerit, aammalu tatsimit tigooraaffiusumit nukissiorfiup eqqaani kuuffiup aniaffianut ungasissusaa minnerulluni, taamaattorli illoqarfimmut innaallagissamik pilersuinissamut pilersuinerumut aqqutinut kangerluk ikaagassaq takinerulluni. Taamaattorli assigiimmik tunngavilimmik erngup nukinganic

periarfissanik sanilliussiumagaanni, siunnersortinit aningaasaqarnikkut naatsorsuutininik pissarsinissaq pisariaqassaaq.

Uani suliame saqqummiussami aamma Kalaallit Nunaata paasissutissanut qitiusoqarfianut aningaasaliffissatut Kalaallit Nunaanni Namminersorlutik Oqartussat nittarsaassinissaannik ukkataqarnerat aammattaaq eqqarsaatigineqarnikuuvoq, aallaqqaammut nunami Qarasaasiaqarnikkut attaveqaqatigiinnermik amigaateqarnerujussuaq aammalu paasissutissanik qitiusoqarfiup sullitaanut ungasissutsip annertuallaarnera pissutaalluni suliniutitut isumalluarnanngitsutut isikkoqartoq, kisianni taamaattoq piffissaq qaninnerusoq isigalugu teknologit nutaanerpaat ukiuni makkunani ineriartortinneqartut akuutinneqalersullu pissutigalugit pitsaalluinnartumik aningaasaliinerusussaq.

Maleruagassatigut tunngavigisaaq

Kiassaateqarfinnik ingerlatsinerimut aserfallatsaaliinermullu - kiisalu kiammik pilersuinerimut Nukissiorfiit akisussaapput.

- Nukissiorfiit tunniussisarnerimut piumasagaataat
- Nukissamik pilersuineq pillugu Inatsisartut peqqussutaat nr. 14, 6. november 1997-imeersoq.

Pissutsit atuuttut

(takuuk ilanngussaq) Kalaallit Nunaanni Namminersorlutik Oqartussat nukissiornerimut nuna tamakkerlugu pilersaarutaat, erngup nukinga atorlugu nukissiorneq pillugu attuumassutilimmik ima allanneqarpoq:

”6.8 Najugaqarfiit amerlanerit erngup nukinganik nukissiuuteqarnermik pilersorneqassapput Nukissiuuteqarnermik pilersuinerimut erngup nukingata suli annertusiartuinnartumik matussusiinissaa qulakkeerniarlugu ukiut tamaasa erngup nukinganik nukissiorfiup tulliata sanaartornissaa sumut inississallugu tulluurtuussaneramik misissuinerit ingerlanneqartassapput. Aningaasaqarnikkut illersorneqarsinnaassappat erngup nukinganik nukissiorfiit nutaat najugaqarfinnik anginerusunik mikinerusunillu pilersuinissamat sanaartorneqartuassapput. Suliniutit nukissiuuteqarnerimut akigititanik qaffakkiartortunik nassataqassannginnerat qulakkeerniarlugu suliniutit ataasiakkaat ingerlanneqarneri sioqqullugit teknikkikkut iluarsissutisialannik aningaasaliinissamullu ilusinik tulluurtunik nassaarisqaarnissaq Naalakkersuisut sammisariniarpaat. Tamanna assersuutigalugu suliffeqarfiit ataavartumik nukissiuuteqarnermik pilersuisoqarnissamik soqutiginnittut, imaluunniit avataanit aningaasaliisartut, sumiiffinni pineqartuni erngup nukinganik pilersuiviliornermi niuerfissamik takunnittunik suleqatigiinnerusinnaavoq... Aasiaat aamma Qasigiannugit nukissiuuteqarnermik ataavartumik pilersornissaannut periarfissaasunik Naalakkersuisut 2017-imi misissueqqissaarinerit naammassiniarpaat. Erngup nukinganik nukissiorfiliormi, allatullu qinikkatut ataavartut nukissiuuteqarnermik pilersuinerimut ilusinik allanik sanaartornermik aamma/imaluunniit nukissiuuteqarnermik sipaaruteqarfiusunik suliaqarnermik sunik sunniuteqartoqassasoq misissorneqarsimavoq.


Maniitsoq

Siusinnerusukkut Maniitsup eqqaani inuussutissarsiornermi suliffeqarfiit anginerusut erngup nukinganik nukissiorfittut suliniutinik pilersitsinissaat naatsorsuutaasimavoq. Maniitsup aamma Nuup akornanni erngup nukinganik nukissiornerimut piukkunnaatit annertummata taakkuninnga atuinissaq pillugu, sumiiffimmi innuttaasunik pilersuinerimik ataqatigiissillugu suliffeqarfinnik suleqateqarnissaq periarfissatsialaassaaq. Taamaattorli illoqarfiup qanittuani erngup nukinganik nukissiornerimut piukkunnaatilinnit mikinerusunit marlunnit

Maniitsumut erngup nukinganik nukissiuuteqarnermik pilersuisoqarsinnaanersoq aamma misissorqarpoq.

...12.4 Erngup nukinganik nukissiorfinni nutaani aningaasaliinerit
Maannakkut erngup nukinganik nukissiorsinnaassutsikkut ungasissumit kiassarnermut aamma qaminneqarsinnaasutut innaallagissamit kiassarnermut 100 mio. kr.-t missaannik aningaasaliisoqassappat kiassarnermut tunisarisaq ukiumut 50 GWh-it missaannut annertusarneqarsinnaasoq nalilersuutigineqarpoq. Tassunga atatillugu Nukissiorfiit isertitaat amerlissapput, tamanna suliniutini allani aningaasaliinissamik periarfissiissalluni, allatullu qinigassatut Nukissiorfiit ikiorsiissutaanni atuisartunut akigititani annikillisitsinernik, taarsigassarsianut piffissamut ungasissumut akilerneqarnissaannut killilikkanik akiliutigisartakkanik amerlisaanernik il.il.. Aasianni-Qasigiannuani, Maniitsumi, Paamiuni aamma Nanortalimmi erngup nukinganik nukissiorfiusinnaasut nutaat tamakkerlutik Nukissiorfimmu nukissiornermit ataavartumit nukissiorneq ukiumut 110 GWh-it missaannik annertusaasinnaanissaat naliliiffigineqarput. Ingerlatsivinnut taakkununga tamakkiisumik aki 2 mia. kr.-t missaannut missiliuutaavoq. Nukissap affaata missaa innaallagissamik niuffaffimmut, affaalu kiassarnermik niuffaffimmut tunisassiarineqassaaq....”

Nukissiorfiit nalunaarusiaanni imm. 2.2-mi siunissami nukissamik pilersiunermit nukissiuuteqarnermut teknologimik sorlermik nalilersuinermit innuttaasut amerlassusaasa ineriartornerat nukissamillu atuinerisa naatsorsorneqarnerat apequtaajumaartoq, aammalu pingaaruteqartoq, ukiuni tulliuuttuni 25-ni 40-ni minnerpaamik naatsorsuutigisariaqarmat, tunisamut aningaasaliinerup naapertuunnissaa, nukissiuutit pilersinneqarnerani aningaasartuutaasut piusinnaanissaanullu naatsorsuutigisat pequtigalugit. Nunatta Naatsorsueqqissaartarfiani aallerfelerluni innuttaasut ineriartornerat qiviaraanni, 1994-imiit maannakkumut titartakkami 1-imi takuneqarsinnaavoq, Maniitsumi innuttaasut ineriartornerat tamakkiisoq Qasigiannuanik Aasianniillu amerlassusaattut annertutigisumik ineriartorfiusimasoq, piffisap ingerlanerani nalimmattumik inuerukkiartortoqarsimalluni. Qasigiannuani Aasiannilu aningaasaliinissaq isumannangitsoq Namminersorlutik Oqartussat nalilerpassuk, taamatut isiginnilluni naatsorsuutigineqartariaqarpoq, tamanna Maniitsoq eqqarsaatigalugu pisinnaasoq. Ingammik Maniitsumi inuussutissarsiornerup iluani ukiuni ikingullerni aalisarnermik inuussutissarsiuuteqarneq siuariartorfiunikuuvoq, aammalu immikkoortoq taanna naleqanngitsunut innaallagissamik, kiassarnermik imermillu pilersuinermi nukissiuutininik atuinarfiusarpoq. Illuatungaatigut Kalaallit Nunaanni naatsorsueqqissaartarfik malillugu 2019-imi januaarip aallaqqaataani Qasigiannuani innuttaasut amerlassusaat inuit 1075 amerlassueqarput, 1994-imiilli inunnik 1543-nik annertuumik appariaateqartut procentinngorlugu 30 procenti. Innuttaasut amerlassusaat eqqarsaatigalugu ikittuaraannaapput aammalu suli annertuumik ikiliartortutut ingerlasumi, sumiiffimmut taamak annertutigisumik aningaasaliissalluni eqqarsarluarnerunersoq pillugu apeqquserneqarsinnaavoq.



Titartagaq 1: Ukiuni 1994-imiit 2019-imut Maniitsumi aamma Qasigiannuit+Aasiaat innuttaasut amerlassusaat.

Takuuk Nukissiorfiit nassuiaataanni imm. 2.4.2 Qasigiannuit-Aasianni erngup nukinganik periarfissat ukiumut 94 GWh-mi inissisimassapput, erngup tikiqqarsinnaasup annertussusaa tunngavigalugu. Erngup nukinga atorlugu nukissiorfiup tunniussinnaasaa 15 MW-nik annertussuseqassaaq, taamallu ukioq tamaat 100 procentimik ingerlassaguni, 131 GWh missaani tunniussisinnaassalluni. Kisitsisit ilisimaleriikkanik tamaasa katikkaanni, nukissiorfiup illoqarfimmut marluusunut pisariaqartitaasa 95 procenta tunniussinnaassagaa naatsorsorneqarpoq. Taamaattorli Kalaallit Nunaanni naatsorsueqqissaartarfimmit 2016-imeersunit atuisut kisitsisaat kingullernik takutitsisoq titartagaq 2 qivaraanni, illoqarfiit marluusut 2016-imi 45 GWh-mik atuiffiusimapput. Erngup nukinga atorlugu nukissiorfimmit tuniussinnaasap sinnilerujussuup sinnera taamaalilluni inuit ataasiakkaat piorsallu illuutaasa kissarsuutaannit uuliatortunit taarsersuinnermit pinissaa ilimagisariaqarpoq, tamannalu piviusunngortinnissaa ukiorpassuussapput, innaallagissamut kissarsuutit uuliatortunik pitsaanerusunik akikinnerusunillu taarsersuinnermut kajumissuseqartoqassappat. Sumiiffimmi kukkusumi aningaasalersuisoqaannassappat, appariartornermiit atuisunut akitigitat nalorninangitsumik qaffakkaluttuinnassapput, uulia atorlugu kissarsuutinit taasiinissamit kajuminnermik peersitsisumik.

Ilanngussaq 4 "Kalaallit Nunaanni Erngup nukinganik pisuussutit" tassani takuneqarsinaavoq, Maniitsup eqqaani "Qapiarfiusaap Sermia" Erngup nukinga atorlugu nukissiorfissamut periarfissaq, ilanngussami 5-imi nuanp immikkoortortaat "7A+b"-tut takutinneqartoq, taanna takillugu 14,5MW-mik sunniuteqarsinnaavoq, aamma tatsip eqqaani imermik kuuttoqarpallaarani, kisianni sermip uukkartartup angisuup iluani inissisimalluni aammalu portunerungaatsiartumik nakkarfearluni, imeq kuuttumut annikillisinnaannut taarsiisumik. Katillugu ukiumut nukissamik 68 GWh-mik tunisassiorfissaq naatsorsuutaavoq. Taamaalilluni Maniitsup eqqaani erngup nukinga atorlugu nukissiorfiup Maniitsup pisariaqartitaanik pilersiusinnaavoq. Titartakkap 2 takutippaa, Nukissiorfiit pilersuinnermut aqputaanni 2016-imi 32 GWh-mik ukiumut atuisoqarsimasoq, aammalu inuit ataasiakkaat pisortallu illuutaasa ullumikkut uuliatortumik kissarsuutilinni kiassanermik tunngaveqartumik innaallagissamut ikaarsanermut sinnerusumik annertuumik peqassaaq. Kiassarneq pillugu immikkut kissamik pisariaqartitsineq pillugu aasaanerata ukiuneratalu akornanni annertuumik nikingasoqarpoq, aammalu illoqarfimmi

kiassaanissamik pisariaqartitsinermit pilersiunissap annertussusaanut tunngatillugu nukissiorfiup sunniutissaanik aamma nukissiorfiup imermik tunniussinnaasaani annertuumik isumaqarpoq, tamannalu Kalaallit Nunanni erngup nukinga atorlugu nukissiorfiit sinnerinut aamma pisuusaaq.

Nuup eqqaani erngup nukinga atorlugu nukissiorfimmik alliliineq pillugu Nuummi aaqqiisummik 100 procentmik Nukissiorfiit nassuiaataat malillugu sulisoqarpoq, tassani aningaasaliissut tamakkiisumik atorneqarlutik, Maniitsumi ataatsimoorussamik erngup nukinganik nukissiorfimmik nutaamik angisuumik ukkassiffiunngitsumik (qulaani taakkartorneqartoq Kangerluarsuk eqqaani erngup nukinganik periarfissat pinnagit, Maniitsup eqqaani erngup nukinganik periarfissat amerlasuujummata. Ilutigitillugu siunissami ikualaavissat nutaanit tapertaaffeqarnissaq ukkatarineqarpoq.

Qulaaniittut pissutigalugit, Qasigiannugit-Aasiaat eqqaanni erngup nukinganik nukissiorfimmik sanaartornissamut politikkikkut aningaasanik immikkoortitsinnginnermi, Maniitsup eqqaani erngup nukinganik nukissiorfik annertunerusumik qiviaqqaarnissaa tamakkiinerussagalarpoq.

Inuusutissarsiornermut Nukissiuteqarnermut Ilisimatusarnermut Suliffeqarnermullu Naalackersuisoqarfimmit Informationsavisen "Siunissamut erngup nukinga" saqqummersitaa Kalaallit Nunaanni erngup nukinga atorlugu nukissiorfiit pillugit allaaserisanik arlalinnik imaqarpoq, ingammillu Qasigiannugit-Aasiaat, Nuuk kiisalu Maniitsup aamma Nuup eqqaani erngup nukinganik nukissiorfissat periarfissat suliffissuit nukissamik pisariaqartitsisut atuumassutitit eqqartorneqarlutik. Ilaatigut allassimasoqarpoq, nunarsuaq tamakkerlugu paasissutissanik suliffissuaqarfimmut sammisunik suliniutinik nittarsaassinermut atatillugu erngup nukinanik periarfissani erseqqissaasoqarsinnaasoq. Takuuk informationsavisen aammalu nukissiuutit pillugit nuna tamakkerlugu pilersaarut, Maniitsup eqqaani erngup nukinganik nukissiorfimmi periarfissami 650 MW-mik tunniussinnaavoq, taannalu suliffissuaqarfimmut sammisumik nuna tamakkerlugu nukissiuutit annerpaartarissavaat.

Erngup nukinganik periarfissat taakkartorneqartut nunap tamakkiisup pisariaqartitaanik annertunerujussuupput. Takuuk titartagaq 2, 2016-imi nunami Nukissiorfiit nukissamik tunisaat tamakkiisoq 636.754 MWh-juvoq, aammalu erngup nukinganik nukissiorfiup ukiumut tunniussinnaasaa 650 MW-usoq ilanngukkaanni, taava 5.694.000-uvoq. Erngup nukinganik nukissiorfiup suliffissuarnut atuumassuteqartutut taakkartorneqartup tunniussinnaasaata taamaallaat 11 procentia nuna tamakkerlugu nukissamik pisariaqartinneqarpoq. Ilangussaq 4 "Kalaallit Nunaanni Erngup nukinga atorlugu nukissiorfiit*" Nuup Maniitsullu qanittuani suliffissuarnut siunertalinnut erngup nukinganik periarfissatut aamma taakkartorneqarput, annikitsunnguamik aningaasartuuteqarluni sanaartorneqarsinnaasut. Tunniussinnaasat 500.000, 1.000.000-itut taakkartorneqarput, kiisalu 2.500.000 MWh, sulilu qaninnerusiq ungasinnerusorlu isigalugit nunap immikkoortuata pisariaqartitaanit annertunerujussuulluni.

Atuilluartuunissakkut kingunerisinnaasai

Erngup nukinganik nukissiorfinnik aamma nukissamik atuilluartumik aningaasaqarnikkut avatangiisitigullu atuilluartuunera Namminersorlutik Oqartussat Nuna tamakkerlugu pilersaarutaanni pitsaasumik ersarsissumilu nassuiarneqarnikuuvoq, takuuk ilangussaq 3. Avatangiisinut pinnatassat taakkuunissaat naatsorsuutigalugu, qaninnerusiq ungasinnerusorlu isigalugit aalajangiisuuvoq, suliniutinut aningaasaqarnikkut imminut akilerluarsinnaasunut

aningaasaliinissaq, taamaalilluni aningaasatigut atugassat eqqarsaatigalugit avatangiisitigut anguniakkanik angusanik ingerlaavartumik appartitsisoqarsinnaaniassammat.

Aningaasaqarnikkut allaffissornikkullu kingunerisinaasai

Erngup nukinga atorlugu nukissiorfinnik innaallagissiorfinnillu atuisunullu toqqaannartumik kommuni ataasiakkaat ingerlatsisuunatillu tuniniaasuunngimmata, aningaasaqarnikkut atugassanut kommuninut ataasiakkaanut toqqaannartumik aningaasaqarnikkut kingunissaqanngilaq. Taamaattorli Nukissiorfiit Namminersorlutillu Oqartussat aningaasaliissuteqarput, tassanngaanniillu atuisunut akigititanut kinguneqarluni, atuisutut kommuninut toqqaannartuunngitsumik kinguneqarluni, tassanngaanniillu aamma innuttarisaanut.

Ullumikkumut sanilliullugu pingaaruteqalersussamik, ikuallaavinnit kissamik sinnerusuttumik maannakkut atuuttumik siunissamilu tunissisarnissaq nipilersoqataavoq.

Takuuk Namminersorlutik Oqartussat Nukissiorneq pillugu nuna tamakkerlugu pilersaarutaat aamma Nukissiorfiit atuisunut akigititaat, nukissamik pilersuineq pillugu kalaallinut atuisunut tamanut akimik assigiissitsinermik eqqussisoqarnikuuvoq, taamaalilluni Kalaallit Nunaanni kikkut tamarmik illoqarfimmi erngup nukinga atorlugu nukissiorfilimmiikkunik imaluunnit illoqarfimmi nukissiorfilimmiikkunik atuisutut akimik asigiimmik akiliisussaallutik.

Atuisutut akigititat apparnissaanut imaluunniit pisariaqanngitsumik qaffannissaanut soqutiginnikkaanni, taava Kalaallit Nunaanni tamarmi, kommunimi sorlermiluunniit najugaqaraluaanni, sumifinni eqqortuni erngup nukinga atorlugu nukissiorfimmik, atuisunut akigititanik qaffaanernik pisariaqanngitsunik tunniussaartussamut, sanaartortoqarnissaanut aningaasatigut soqutigisaqartoqartussaavoq.

Namminersorlutik Oqartussat Nukissiorneq pillugu nuna tamakkerlugu pilersaarutaanni allassimavoq:

- Erngup nukingata nukissiornermik pilersuineramik annertusigaluttuinnartumik matussuseriartorpaa, tamatumani erngup nukinga atorlugu nukissiorfiit ingerlaavartumik inoqarfinnut anginerusunut minnerusunullu pilersuinissamut pilersinneqassallutik, aningaasaqarnikkut imminut illersorsinnaassappat.
- Suliniutit nukissanut akinik qaffakkaluttuinnartunik malitseqassanngillat, suliniutit ataasiakkaat ingerlanneqalinnginnerini teknikkikkut aaqiissutinik pitsaasunik aamma aningaasalersueriaatsinik tulluurtunik nassaarnissaq Naalakkersuisut ukkatarivaat.

Immaqa aningaasaqarnikkut imminut akilersinnaanerusut erngup nukinga atorlugu nukissiorfissatut periarfissat sioqqullugit Aasiaat-Qasigiannugit erngup nukinga atorlugu nukissiorfimmik sooq sanaartortoqassanersoq apeqquserneqarsinnaavoq.

Kalaallit Nunaanni Naatsorsueqqissaartarfiup kingullermik 2016-imi naatsorsuinerata tunisinermi kisitsit, nuna tamakkerlugu, Qasigiannugit+Aasiaat katinneri kiisalu Maniitsumi kWh-mik paasissutissat titartagaq 2 takutippai. Kiassaateqarfinnit kiassaaneq ilanngunneqarpoq, taanna erngup nukinga atorlugu nukissiorfimmik pilersitsinerup kingorna innaallagissatut nukissamik ilaatinneqartariaqarmat, taamaalillunilu qaninnerusoq isigalugu uuliamik aallaavimmiit maannakkut kiasateqarfimmi pioreersumi kiassarnermik aallaavilimmut ukaarsaarnmik kinguneqassammat.

**Aningaasaqarnermut ataatsimiititaliap decembarip 17-ani 2019 ileqquusumik ataatsiminnerata 10/2019
imaqarniliornera**

Nukissiorfinnit tunisat 2016-imersut	Kalaallit Nunaat tamakkerlugu	Maniitsoq	Procentinngorlugit	QAS aamma Aas	Procentinngorlugit
akigititaq nal.innaall.aqqusin.qullit [kWh]	188.103.694	7.559.943	4,0	14.952.375	7,9
Aalisakkerivinnut innaallagialq [kWh]	38.988.785	3.103.993	8,0	5.277.686	13,5
Innaallagissamik kiassarneq [kWh]	105.286.464	0	0,0	-	0,0
Kiassaateqarfinit kiassarneq [kWh]	204.375.040	21.444.059	10,5	21.726.840	10,6
Katillugit	536.753.983	32.107.995	6,0	41.956.901	7,8

Titartagaq 2: 2016-imi atuisunut kisitsisit Kalaallit Nunaanni naatsorsueqqissaartarfimmit tigusat, aammalu Qasigiannuaniit Aasianniillu inernera takusinnaajumallugu suliareqqitat.

Maanna akinik assigiissitsineq malillugu 2016-imiit Nukissiorfinnit tunisat	Kalaallit Nunaat tamakkerlugu	2019-imi assigiimmik akeqartitsineq siumut inissitaq
Nalinginnaasumik akimut innaallagialq aqqusinermilu qullit [kr]	310.371.095	kWh-mut 1,65 kr.
Aalisakkerivinnut innaallagialq [kr]	28.949.173	Sumiifinni ataasiakkaani aningaasartuutit Nukissiorfinnit nalinginaasumik 45 prc akilerneqartarpoq. Ajornaatsumik naatsorsuinnermut nalinginnaasumit akimit 45 prc naatsorsorneqartarpoq.
Innaallagissamit kiassarneq [kr]	71.594.796	kWh-mut 0,68 kr.
Kiassaateqarfinit kissaq [kr]	151.237.530	45 kWh-mut 0,74 kr.
Katillugit	562.152.593	

Titartagaq 2b: 2019-imi assigiimmik akeqartitsinermit systemi malillugu kWh-mik tunisat kisitsisaat koruuninngortillugit nuna tamakkerlugummiit ajornaatsumik nuutsitat. Tunisat kisitsisaat eqqoqqissaartut Nukissiorfinnit pissarsiarineqarnikuunnigillat, kisianni titartagaq 2 malillugu atuisunut kisitsisit malillugit naatsorsuineq ingerlanneqarpoq.

Nukissiorfiit nalunaarusiaat innuttaasunik kisitsisinik suliaavoq, illut angerlarsimaffiit ataasiakkaat aammalu illut sinnerisa uuliatortumik kissaarsuutillit atuianerannut eqqoqqissaartumik naatsorsuutunik peqartoqarsimannginneranik ilimanaatilimmik.

Erngup nukinga atorlugu nukisarfimmik imma sanaartortoqaraluartorluunniit, ungasinnerusoq isigalugu uuliatortunit kissarsuutiniit innaallagissatortumik kiassarnissamut ikaarsaartoqarnissaa naatsorsuutigineqarsinnaavoq, atuneq kingulleq pillugu naatsorsuutit Nukissiorfinnit tunisanik kisitsisinik aallaaveqartut. Taava kisitsisit taakku kisitsisit tunngavittut atorineqarsinnaapput, angerlarsimaffinnik kiassarnermit uuliatortumik kissarsuummiit innaallagissamik aallaavilimmik

30

ikaarsarneq sivisusinnaammat, aammalu aningaasalersuinissaq eqqarsaatigalugu erngup nukinga atorlugu nukissiorfimmut aningaalisiinissamat attuumassuteqannginnissaa naatsorsuutigineqarsinnaammat.

Erngup nukinga atorlugu nukissiorfik	Missiliuut [kr]	Ukiuni 20-ni akilersuinermit missiliuutit ukiumut agguataarineq [kr]	Nuna tamakkerlugu sanilliullugu tunisanit aningaasaleeqataassutit [%]	Nukissiorfimmit pilersorneqanngitsunit, aningaasaliissutit atuisut sinnerinut artukkiisinaanerit [kr]
Maniitsoq	650.000.000	31.500.000	6,0	30.550.000
Qasigiannugit	1.500.000.000	75.000.000	7,8	70.500.000

Eqitsit 3: Erngup nukinga atorlugu nukissiorfimmut aningaasaliinerit, taakkulu atuisunut aningaasaqarnikkut pingaaruteqassusaa.

Eqitsit 3 takugaanni, Maniitsoq aamma Aasiaat-Qasigiannugit eqqaanni erngup nukinganik nukissiorfinnik missiliuutit akornanni nikangassut erngup nukinga atorlugu nukissiorfinnut assigiinnut ukiumut 44 mio. koruunit missaaniissasoq. Nikingassummik sulii qaffaasussaagaluartoq, uani ajornaallisilluni naatsorsuinermit ernianut aningaasaruutit aningaasaliissuteqarnermilu aningaasartuutit sinneri ilanngullugit naatsorsorneqanngillat.

Nikingassut taanna atuisut namminneq akilissappassuk, ajornaallisakkamik naatsorsuinermit paasineqasinnaavoq, titartakkami 2b-mit tunisinermi kisitsisit 562 mio. koruuniusunut sanilliullugu 44 mio. koruunit 7,8 procentusooq. Taamaallilluni inerniliunneqarsinnaavoq, Maniitsumiunngitsoq Aasiaat-Qasigiannugit erngup nukinga atorlugu nukissiorfimmit sanaartortoqarnissaa salliutinneqassappat, pisariaqanngitsummik atuisut 7,8 procentmik qaffaaffigineqarnissaat takuneqarsinnaavoq.

Allaffeqarfiup naliliinera

Namminersorlutik Oqartussat Nukissiuuteqarneq pillugu nunamut tamarmut pilersaarutikkut anguniagaanni aammalu Nukissiorfiit suliniutinik aningaasaqarnikkut imminut akilersinnaasunik salliutitsillutik ukkataqarneranni sunniukkiartortoq ersarippoq, qaninnerusoq ungasinnerusorlu isigalugit aningaasaqarnikkut isiginninnerulersitsisoq.

Eqqortumik salliutitsisoqarpat aammalu nukissiuuteqarneq pillugu nuna tamakkerlugu pilersaarummi anguniagaasunut akersuusumik aalajangiisoqarani, nukissamik 100 procentmik atuilluartoq pillugu Nukissiuuteqarneq pillugu nuna tamakkerlugu pilersaarutikkut anguniagaasooq pitsaanerusumik periusiussaaq, aammalu sulii inuussutissarsiornerup siuarsarneqarnissaanut tunngatillugu sulianik sulii inissaqartitsisoqarluni.

Kukkusumik salliutitsinikkut suliniutit peqqinnartut ullumikut ingerlanneqarsinnaagaluartut, ungasinnerusoq isigalugu ingerlanneqarsinnaajunnaaratarsinnaaput, kukkusumik salliutitsinerup kingorna aningaasaqarnikkut atugassat pigiunnaarneqariissammata. Nunami attaveqatigiinnermut annertuumut aningaasaliinerit piusut eqqarsaatigalugit, annertuumik aningaasaliinissanut allanut tunngatillugu, eqqortumik pingaarnersuinissaq aalajangiisuuvoq.

Ilutigitillugu paasineqarsinnaavoq, nunarsuaq tamakkerlugu nukissanik pisariaqartitsisut pillugit informationsavisimi "Siunissamat Erngup nukinga atorlugu nukissiorfiit" taaneqartuni nittarsaassinikkut suliniutit Naalackersuisut ukkataralugit taassat piffissami matumani Nuup eqqaani erngup nukinga atorlupugu nukissiorfimmik pioreersumi alliliinissamat pilersaarut allangortinneqarnissaanut suliniuteqarnissamat tunngaviliinngimmata. Ataatsimut isigalugu nunarsuaq tamakkerlugu suliffeqarfinnik nukinnik atuiffiulluartunik isumaqatigiissuteqaqqaaranu suliffissuaqarnermut erngup nukinga atorlugu nukissiorfinnik angisuunik nuna nammineerluni sanartornissaat akisuujussaaq navianarsinnaallunilu, Nuup aamma Maniitsup eqqaani nunap immikkoortuani annertussutsip aammalu nalinginnaasumik pisariaqartitsinerup akornanni annertooujussuarmik assigiinngissuseqarmat, aamma nunap tamarmiusup pisariaqartitaa eqqarsaatigalugu. Nunarsuaq tamakkerlugu angisuunik suliniutaasinnaasut nukissamik pisariaqartitamik kisimi imaqartinneqanngillat, kisianni aamma kulturimut tunngasut, piginnaasatigut tunngasut kiisalu inuiaqatigiinnut tunngatillugu naatsorsuutigisat allaaserisani eqqartorneqanngillat.

Ilangussaq 7 qallunaat nunannit nunanillu allanit aviisini (Ingeniøren, DR, Fjernvarmese Fyn, Reuters aamma Ritzau) allaaserisat takutippaat, nunani avannarlerni Europamilu paasissutissanut centerini aningaasaliinissaq ukkatarineqartoq. Ilaatigut atuarneqarsinnaavoq, sumiiffinni aningaasaliisarnerusuni: Frankfurt-London-Amsterdam-Paris-Dublin-imit paasissutissanik centerinerinik qammaanissaq pillugu nunani avannalerni unammillertoqalereersoq, ilaatigut Atlantiku qulaallugu nunarsuullu sinneranut akimorutumik pitsaasumik internetsikkut attaveqartuusunik. Ukiuni qulikkuutaani kingullerni nunat avannarliit paasissutissiisarnermut centerinik qammaasarnikuupput, nunap imikkoortui nukimmik atuilluartumik neqeroorteqarmata aammalu internetsimut attaveqarnermi manngersunik kabeleqarmata, kiassaateqarfinni pioreersuni saniatigut kissamik pilersuinissamat pisariaqartitsimmata, aammalu Atlantiku nunarsuullu sinneranut internetsikkut attavinni kabelinik annertulaartumik pitsanngorsaanaissaq pilersaarutigineqarmat, Taakku saniatigut nunat avannarliit politikikkut aalajaaffiupput, aammalu nunarsuup sinneranut sanilliullugu nukimmik atuilluartumik ukkataqarlutik. Aammattaaq paasissutissiisarnermik selskabit nukimmik 100 procentimik atuilluartut suliniuteqarfifigaluttuinnaaraat takuneqarsinnaavoq, aammalu atortulersuutiminnit nukimmik maangaannartitserusugatik. Piffissami matumani aammattaaq nukissanik sunniutilinnik aaqqiissutinik annertooujussuarmik ukkataqartoqarpoq, taamaalilluni nukissat atuilluartut suulluunniit CO₂-mik aniatitsinermik annikillisaanermut peqataallutik. Immikkut ukkatarineqarpoq, paasissutissiisarnermik centerit kissamik tunisassiornerat kiassarnissamat siunertami 100 procentimik atorneqarnissaa. Danmarkimi suliniutit sanaartorneqartut ataasiakkaat qiviaraanni, naliliinernik tullinnguuttunik ilaatigut takkussisoqarsinnaavoq:


1. Facebook odense eqqaani paasissutissanut centerilimik 40 MW-mik nukissarmik pisariaqartitsisumik sanaartorpoq, Nuummi erngup nukinga atorlugu nukissiuutit pioreersup tunniussinnaasaanit annikinnerulaartoq. Sarfaq Norgemi, Facebook nammineq aamma sanaartornikuusaanik, anorisaatinik innaallagissiuuteqarfimmit aammalu erngup nukinga atorlugu nukissiorfimmit tunniuneqartassaaq. Jyske Vestkysten avis malillugu Norgemi anorisaatinik innaallagissiorfik 294 MW-rujssuarmik sunniuteqartarpoq, taamaalilluni nukissap tunisassarineqartup sinnera allamut antorneqartarluni. Taamaalilluni paasissutissiisarnermi centerit kissamik sinneruttumik tunisassiorsinnaapput, qallunaat angerlarsimaffiitut 7.000-inut kissamik pilersuisinnaanermik naammattumik, Nuummi kiassaateqarfimmit maannakkut atuinermiit annertunerulaartumik, takuuk titartagaq 4. Kingullertut taaneqartoq kissarsuuteqarfimmut 11,5 MW-mik sunniutilittut

annertussuseqarpoq. Tassa imaappoq, uani pisumi Paasissutissiisarnermit centerit nukimmit atuinerisa 28 procentiat atuisunut allanut tuniniarneqarsinnaavoq, aammalu selskabimut nukissamik sipaarutaasinnaalluni. Sanaartornermut atatillugu sanaartortitsisup suliniummi akigitinneqartoq isortuunnikuuaa.

2. 4,5 milliard koruuninik akeqartussamik Google Fredericiami datacenterimik sanaartorpoq, immikkoortumi atortulersuutit pigineqareermata. Suliniut sanaartortunik 150-250 tikillugit suliffissanik pilersitsissasoq naatsorsuutigineqarpoq, aammalu malitsigisassai sullissinermut ikiuunnermullu atorfiit ilanngullugit ilimagineqarpoq, suliniut suliffinnik 700-nik pilersitsissasoq. Paasissutissiisarnermi centeri 2021-mi naammassippat, paasissutissiisarnermi centerimi suleqataassut 150-200 missaaniissasut naatsorsuutigineqarpoq.

Datacenterit namminneq sarfamik tunisassiussanerlutik, imaluunniit sarfamut aqutunit pioreersunit sarfaq pisariaqartitartik pissarsiareriarlugu, kissaq sinneruttoq ungasiaanit kiassarnertut tuniassanerlugu namminneq isumagissavaat. Ungasiaanit kiassarnerpiaq assartorneqarsinnaanngilaq, kissamik nukissaq mangaannassanngippat, qanittuani atornerqartariaqarpoq, tamannalu paasissutissiisarnermi centerit soqutigisarinnngilaat. Datacenterimit kissaq tunisassarinnaasarpiaata annertoqataa, Kalalalit Nunaata iluani Nuummi 100 procent missaani tiguisarpoq. Taamaattorli paasissutissiisarnermi centerit, Kalalallit Nunaanni erngup nukinganik nukissiorfimmik namminneq sanaartorunik aammattaaq sarfamik sinneruttumik tuniniaasarsinnaanerat naatsorsuutigineqarsinnaavoq. Kissaq sinneruttuusinnaasoq tuniarneqarsinnaavoq, Nukissiorfiit ullumikkut atuisunut kisermaassisutut tuniniaasannaasutut sarfamik pisariaqartitsippata. Tuniniaasannaanermut periuseq taanna ikuallaavinnit kissamik sinneruttumik tunisisarneq aqputigalugu ingerlanneqarpoq.

Nukissiorfiits afsætning af el, vand og varme efter vare, sted og tid



Titartagaq 4: Nuummi atuneq

Naak Kalaallit Nunaat erngup nukinga atorlugu nukissiorfinnut periarfisaqarluaraluartoq, paasissutissiisarnermut centerinut aningaasaliissussanik qammaanissamut tunngatillugu tullinnguuttutigut nuna sanngiiffeqarpoq.

- a. Nukissaq atuilluartoq annertoq pisariaqartoq tamaaniingilaq, kisianni nukissiorfiit Namminersorlutik Oqartussanit allanilluunniit suliaqartunit aatsaat sanaartorneqaqqaassapput. Taamaattoq Facebook Danmarkimi datacenterimut nammineq pigisiaminik Norgemi anorisaatinut parkimik erngullu nukinga atorlugu nukissiorfimmik sananikuvoq.
- b. Amerikap avannaanik Europamillu attaviliisumik, aammalu mianersornarsinnaasut paasineqartumik, aammalu unittoornerup kingorna iluarsaassinermut qaammaterpaalunnik malitseqartartumik, Søkabelimik ataasinaavimmik peqarpoq selskabimit ataatsimik pigineqartumik:
- c. Danmarkimi paasissutissiisarnermut centerit sanaartorneqartartutut aningaasat eqqarsaatigalugit uuttorneqarsinnaasut, Kalaallit Nunaanni suliniutit angisuut ikittuinnaat suliarineqarnikuupput. Ataatsimulli isigalugu Europami suliniutinut assingusunut sanilliulugu aningaasaliinerit annertunerungaatsiarput, sulisut atortullu assartorneqartussaammata aammalu Europami "ajornanngitsumik atortulersuiffiusumi" sanilliullugu tikikkuminaannerusumik sanaartorneq pisussaammata.
- d. Kissamik saniatigut tunisassiassamik kissamik nukissamik tigusinissamut naammattumik angisussuseqartumik, datacenterit tuneqqikkusutaannik tunitsivissaq ataasiinnaavoq. Sumiiffik tassaavoq Nuuk, aammalu maannakkut erngup nukinga atorlugu nukissiorfik allineqassappat pisariaqartitsisoqassanersoq nalorninartorujussuavoq. Nuummi ikullaavik ullumikkut ungasiaanit kiassarnermut tapertaaneq ajortutut isigineqarsinnaavoq.
- e. Datacenterinik ingerlatsinissamut specialistit ilanngullugit suleqataasunik amerlangaatsiartunik qammaassagunik nalilerneqarpoq, Nuummi innuttaasut ilanngullugit innuttaasut ikippallaarpata, aningaasaliinissaq imminut illersorsinnaassanersoq. Nuummi paarnaarussuvik nutaamut aamma sulisunik immikkut ilinniagalinnik pisariaqartitsisuusoq, siusinnerusukkut pisariaqartinneqarnikuunngitsuusoq, sulisussarsiornermi ajornartorsiutaasut qiviaannarneqarsinnaapput. Taamaattorli nunarsuaq tamakkerlugu selskabi sumi tamaanngaaniit suleqatissanik qammaasinnaasoq tunngavilersuutigineqarsinnaavoq.
- f. Naak ataatsimut isigalugu datanik atuneq nunarsuarmi annertusigaluttuinnaraluartoq datacenterit nukimmik atuinerat annertuallaanngilaq, qarasaasiat atortuinik sukkaasumik ineriartormik datacenterit sunniutigisartagaat qaffakkiartormata. Taanna piviusoq datacenterink pisariaqartunik amerlassutinik ungasinnerusoq isigalugu killiliisinnaavoq, illuatungaani datacenterit pioreersut sunniuteqarnerulerlutik.
- g. Ullumikkut datacenterit atuisunut qanittumik inissisimanerat datacenterinut pingaarutilerujussuavoq, taamaalluninik innuttaqarnerusuniinnerullutik imlauunniit nunarsuarmi sumiiffinni datanik atuisuniinneusuniillutik, tassunga tunngatillugu Kalaallit Nunaat inoqajuitsutut isigineqarsinnaalluni. Skandinaviami innuttaasut annikitsuinnarmik imminnut qanissuseqaraluarlutik datacenterinut nuannarineqarput, pisisartoqarlutik sukkaasoorujussuarnik attavinnik pisariaqartitsinngitsunik. Aammattaaq Islandimi datacenterinik sanaartortoqarnikuvoq, aammalu Islandimi attaveqatigiinneq, silaannaq aammalu innaallagissamut akit appasinnerat aamma atuilluartunik puilasoaqarnera pissutigalugu soqutiginninneq annertoorujussuavoq. Islandimi paasissutissat malillugit nukissamik atuinerusoqaraangat atuisunut akit appariartortarput: <https://www.static>

[is/publications/news-archive/energy/electricity-prices-in-iceland-and-in-the-nordic-countries/](#)

Storbritanniemut attaveqaat aamma Kalaallit Nunaat aqqusaarlugu Amerikap avannaanut Greenland Connectimik attaveqaat 1,9 Tb/s-iusup saniatigut Island Københavnimut sukkanerujussuarmik 5,1 Tb/s-imik attaveqarpoq, europami illoqarfissuit sinnerinut aamma iserfissaasoq. Ilutigitillugu Irlandimut aamma New Yorkimut attaveqaammik sukkaoorujussuarmik 40 Tb/s-imik attaviliinissaq pilersaarutaavoq. Taassuma datacenterinut sullitaminnut sukkaasuumik attaveqaatinik pisariqartitsisunut Kalaallit Nunaat sumiiffittut nalorninartutut inissippaa. Inissiivissamik toqqaanermi atuisut datacenterillu akornanni datanik atuisut sukkaasuumik misigisaqarnissaanut pingaarutilerujussuuvoq.

Taamaattorli maannakkut atuisut datacenterillu akornanni nunarsuarmi aqquteqanngitsut (kabelqanngitsut) attaviit iluanni annertoerujussuarmik ineriartortoqarpoq, tamassuma ilimanarluni datacenterit kabelinik attavinnik pinngitsuuisinnaannginnerat millisissagaa, taanna Kalaallit Nunaannut iluaqutinngorsinnaalluni. Maannakkut avataarsuani aallaavilinnik suliniutinik arlalinnik peqarpoq, kabilimik aallaavilimmik attavinnut sanilliullugu internetsikkut attavinnut unammillerluarsinaasut satelimmik aallaaveqarnermi sulisoqarpoq. Taakku ilaat tassapput Oneweb, telesat, Leosat aamma SpaceX. Ingammik SpaceX nanmmineq pigalugu Starlink-mik suliniutinik 2025 missaaniit qaffasissumik pitsaassusilimmik aamma sukkaoorujussuarmik nunarsuaq tamakkerlugu internetsikkut attaveqalernissamik suliniuteqarpoq, aammalu satellitsit siulliit avataarsuanut aallartitsinerit tamaasa arlalikkaarlugit aallartitsisarnissanik aallartitsereerlutik.

Datacenterinut akerliusumik suliffeqarfiit nukissanik pisariaqartitsisut sinneri soorlu aatsitassanik aatsitsinissamut aatsitassanik selskabit, datacenterituulli attaveqatigiinnikkut unammillernertunut misikkaritsiginngillat. Taamaattorli innaallagissamik pilersorneqarnissamut nukissiorfinnik pisariaqartunik namminneq sanaartortussaapput, aammalu sinneruttumik tuniniaasarnissamut tunngatillugu assinganik sanngiiffeqarlutik.

Inuiaqatigiit aningaasaqarnerat sigialugu pingaarutilerujussuuvoq, ungasinnerusoq isigalugu Nuummi erngup nukinga atorlugu nukissiorfiup qaffassarneqarnissaa. Suliffissuaqarfiit erngup nukinganik periarfissalinnik nunarsuaq tamakkerlugu selskabinik nukissanik pisariaqartitsisut suleqatigalugit imaluunniit siullertut taaneqartoq iluatsinngitsoorpat mannakkut nukissiorfiup qaffassarneratigut. Kommunit ataatsimoorussannik ikuallaavinnik 45 GWh-mik tunisassiorsinnaasunik pilersaarutaasunik aammalu nukissiorfiit pioreersunik sillimmaserlugit, ukiuni arlanni erngup nukinganik nukissiorfimmu nutaamut aningaasaliinissaq kinguartinneqarsinnaassaaq. Ikuallaavissat nutaat EU-mi periutsinut aamma angissusaat eqqarsaatigalugu pitsaassusaannut, maskinatigut pisinnaasaannut, kissamik tunisassiorsinnaanerannut aamma aniatitsinissamut piumasaqaatinut sanilliulugu suliarineqassapput aammalu maannamut pigisanut eqqakkanik ikuallaaginnarnissamaik ukkataqartunik ikuallaavinnik mikisunnguanik nutaanngiliartortunullu sanilliunneqassanatik. Taamaaliornikut ikuallaavinnit kissamik tunniussinissamut isumannaassuseq qaffasissorujussuussaaq, aammalu maannakkut nukissiorfiusunit ikiorteqarnikkut unittoorsinnaaneq suujunnaarsinneqarsinnaalluni.

Datacenterinut aningaasaliissussanik ilumut qammaanissaq sulissutigineqassappat, Namminersorlutik Oqartussat nittarsaassinermut periusissiaata aamma erngup nukinganik nukissiorfinnik pingaarnersuinerisa akoranni Namminersorlutik Oqartussani ataqatigiissaarisooqarnissaa isumaqarnerpaassaaq, datacenterit kissamik sinnerujuttumik

atuinissami aningaasaqarnikkut avatangiisinullu politikkimik atuinissamik soqutigisaqarmata. Pisariaqartitsineq apeqqutalalui aammalu MWh-mi 740 koruunninik atuisunut akeqartoq atuisunit ukiumut 66,6 mio. koruuninik isertitaqataasartoq, pisariaqartitsinermi ukiumut 90.000 MWh missaani atuisuusooq, ungasianiit kissarneq atorneqarsinnaasutuaq Nuummi inissisimavoq. Taamaattorli uuliamik akikillisaanikkut ullumikkut MWh-mut 540 koruuniusumit appasinnerulaartoq malillugu kissamik tunisassiornermut Nukissiorfiit akiliuteqartarput, taamaaliornikkullu datacenteriusinnaasumut 48,6 mio. koruuninik isertitsiffiusinnaasooq, Nuummi ungasiaanit kiassarnermut pioreersumut kissamik tamakkiisumik tunniussisuguni. Datacenterip aningaasaliissutaa ukiut 20 ingerlaneranni 1 milliad koruunik appartissinnaavaa. Islandimi akigitinneqartut datacenterinut Islandimik orniginarsaat unammillerneqarsinnaanngillat, kisianni datacenterinik ungasiaanit kiassarnermut kissamik sinnerusuttumik tunisinissap qulakkeerneratigut, aningaasaqarnikkut aningaasaliissutit annikillisinneqarsinnaapput. Ilaatigut Kalaallit Nunani illoqarfiit immikkut toqqakkat, Nuummi ungasiaanit kissarneq ilanngullugu, nukissanik pisassaqtitsinikkut ingerlanneqarsinnaanngortinneqarsinnaapput. Taamaaliornikkut Datacenterit nutaat, aatsitsiviit aamma ikuallaaviit ungasianiit kiassarnermut pilersuinermit qulakkeerneqarsinnaapput.

Aasiaat-Qasigianguianit siulliullugu Maniitsup eqqaani erngup nukinga atorlugu nukissiorfik salliutinneqarneratigut malitsigisaanillu Nuup eqqaani erngup nukinga atorlugu nukissiorfimmik alliliinikkut qulakkeerneqassaaq, qaninnerusooq isigalugu sanaartornermi aningaasartuutit akikinneruliinnaratik, inuiaqatigiit aningaasaqarnerannik pitsaaneruseqarnermut toqqaanerussaap aammalu qaninnerusooq ungasinnerusorlu isigalugit atuisunut akigitit akikinnerunissaat. Aammattaaq Namminersorlutik Oqartussat Nuup aamma Maniitsup eqqaani suliffissuaqarnermut erngup nukinganik nukissiornermi periarfissanik nittarsaassinissamut piffissuaqarnerulissapput, tassani piffissani makkunani Kalaallit Nunani suliffissuaqarnermut erngup nukinga atorlugu nukissiorfinnik nunarsuaq tamakkerlugu annertusaanissaq ukkatarineqarneratigut piviusunngortinneqarsinnaalluni aammalu siunissap qanittup iluani Nuummi nukissamik pisariaqartitanut attavilerneqarsinnaalluni. Tamaaliornikkut Nuup eqqaani marloriaammik aningaasaliinissamut navianaataasinaasooq malunnaatilimmik appartinneqarsinnaavoq.

Illuatungaattigut Maniitsumi nukissamik pisariaqartitsineq aalajaatsumik inissisimavoq aammalu narluinnagajattumik ineriartorluni, tassani siunissami pisariaqartitsineq Nuummut sanilliullugu taamatut takujuminaatsiginani, aammalu Qasigianguit innuttamikku ikiligaluttuinnarlutik. Uani innersuussummi eqqarsatigisat ilanngullugit pissutsit tamakku, Maniitsumi erngup nukinga atorlugu nukissiorfik soq salliutinneqannginnerusooq takujuminaatsorujussuuvoq. Erngup nukinga atorlugu nukissiorfinnik pingaarnersuilluni tulleriaarinermit toqqaanermi aammattaaq Ilulissani Nuummilu mittarfissuarnik suliniutini marluusuni nalorninartut isiginiarneqarsinnaapput, suliniutit taamaattut akisunerulersinnaanerit tunngatillugu malunnaatilinnik nalorninartunik imaqartaramik, suliariumannittussarsiusinermi siumut takuneqarsinnaanngitsunik.

Allaffeqarfiup innersuussutaa

Teknikkimut Avatangiisinullu immikkoortortap Teknikkimut Avatangiisinullu ataatsimiititaliamut, kingusinnerusukkullu aningaasaqarnermut ataatsimiititaliamut kiisalu kommunalbestyrelsimut akuereqqullugu innersuussutigaa,

-Innersuussummi uani aallaavilimmik, Naalakkersuisut aalaajangiiffigisassatut siunnersuummik saqqummiinissaannut kommunalbestyrelsi Inatsisartunut makku pillugit saaffiginnissuteqassasoq

-Naalakkersuisut EM 2019/153-imit Inatsisartunut aalajangiiffigisassatut siunnersuutaata akuerisaasup Maniitsup eqqaani erngup nukinganik nukissiorfimmik nalilersuinissamik ilaneqarnissaata salliutinneqarnissaa, taamaalilluni Maniitsup, Nuup kiisalu Aasiaat-Qasigiannugit eqqaanni erngup nukinga atorlugu nukissiorfinnik pingaarnersiunerimi tulleriaarineq Inatsisartut kingusinnerusukkut toqqarsinnaallugu ilutigitillugu aamma assiigiimmik aalajangiinissamut tunngavissaqarnissaq

-"Nukissamik pilersuineq pillugu Inatsisartut peqqussutaat nr. 14, 6. november 1997-imeersoq" allangortinneqarnissaanik inatsisissatut siunnersuut pillugu siunnersuummik saqqummiisoqassasoq, taamaalilluni Kalaallit Nunanni nukissanut aqutini attuumassuteqartuni inuussutissarsiornikkut orniginartuni nukissanik pisassanik pilersitsisoqarsinnaalluni, taamaalilluni inatsimmi inuussutissarsiornikkut periarfissat atuilluartuusut eqqarsaatigineqassallutik

-Erngup nukingani aningaasaliinissamik allaanerusumik pingaarnersiunissamut pisariaqartitsineq pillugu kommunalbestyrelsi tusagassiutitigut nalunaaruteqassasoq, taamaalilluni aammattaq Inatsisartut suliamik suliarinninneranni innuttaasut tamaviaaruteqarnermut peqataasinnaaniassammata

Teknikkeqarnermut ataatsimiititalipa suliamik suliarinninnera

Ataatsimiititaliap 3. december 2019 ataatsimiinnermini innassuteqaatit akuersissutigivai, Økonomiudvalg-mut ingerlateqqinneqarpoq.

Innersuusut

Teknikkeqarnermut ataatsimiititaliap Aningaasaqarnermut ataatsimiititaliamut innersuusutigivaa akuereqqullugu,

-Innersuussummi uani aallaavilimmik, Naalakkersuisut aalaajangiiffigisassatut siunnersuummik saqqummiinissaannut kommunalbestyrelsi Inatsisartunut makku pillugit saaffiginnissuteqassasoq

-Naalakkersuisut EM 2019/153-imit Inatsisartunut aalajangiiffigisassatut siunnersuutaata akuerisaasup Maniitsup eqqaani erngup nukinganik nukissiorfimmik nalilersuinissamik ilaneqarnissaata salliutinneqarnissaa, taamaalilluni Maniitsup, Nuup kiisalu Aasiaat-Qasigiannugit eqqaanni erngup nukinga atorlugu nukissiorfinnik pingaarnersiunerimi tulleriaarineq Inatsisartut kingusinnerusukkut toqqarsinnaallugu ilutigitillugu aamma assiigiimmik aalajangiinissamut tunngavissaqarnissaq

-"Nukissamik pilersuineq pillugu Inatsisartut peqqussutaat nr. 14, 6. november 1997-imeersoq" allangortinneqarnissaanik inatsisissatut siunnersuut pillugu siunnersuummik saqqummiisoqassasoq, taamaalilluni Kalaallit Nunanni nukissanut aqutini attuumassuteqartuni inuussutissarsiornikkut orniginartuni nukissanik pisassanik pilersitsisoqarsinnaalluni, taamaalilluni inatsimmi inuussutissarsiornikkut periarfissat atuilluartuusut eqqarsaatigineqassallutik

-Erngup nukingani aningaasaliinissamik allaanerusumik pingaarnersiunissamut pisariaqartitsineq pillugu kommunalbestyrelsi tusagassiutitigut nalunaaruteqassasoq, taamaalilluni aammattaq

Inatsisartut suliamik sularinninneranni innuttaasut tamaviaaruteqarnermut peqataasinnaaniassammata

Aalajangiineq

Innersuussutigineqartut akuersissutigineqarput.

Ilanngussat

1. Qasigiannuguit aamma Aasiaat eqqaanni erngup nukinga atorlugu nukissiorfik nutaaq pillugu KNR-mi allaaserisaq
2. Qasigiannuguit-Aasiaat aamma Nuup eqqaanni erngup nukinga atorlugu nukissiorfinnik suliniutit pilugit Nukissiorfinnit nassuiaat.
3. Namminersorlutik Oqartussat nuna tamakkerlugu Nukissiornermut pilersaarutaat
4. "Kalaallit Nunaanni Erngup nukinganik isumalluutit"
5. "Kalalalit Nunaanni Erngup nukinganik isumalluutit"-inut ilanngussa, Maniitsup eqqaani Kangerlussuarmi 7a+7b erngup nukinganik periarfissat pillugit nunap assinga takussutissiisoq
6. Nukissiorfiit 2018-imut ukiumut naatsorsuutaat
7. Datacenterit pillugit allaaserisat saqqummersitallu
8. Yale Environmet
9. Inatsisartuni EM 2019/153-itut aalajangiiffigisassatut siunnersuut

**Imm. 09 Ukioq 2020-mi Maniitsumi Sisimiunilu kuuffissuarnut nutaanut
aningaasaliissutinik agguataarineq**

Journalnr. 25.03.00 atuiffik 72-42 Winformatik.

Tunuliaqutaq

Innersuussinermi immikkoortumi uani atuiffiit nutaanngitsut atorneqarput Winformatik-system-imiittut, ERP-mi økonomi-system-imi normut nutaat suli ilisarineqarsinnaanngimmata.

Maniitsumi Sisimiunilu nutaanik kuuffissualersuisitsinissamut atuiffik 72-42-00-50-61-imi 6.000.000 koruunit 2020-mut missingersuutini immikkoortinneqarnikuupput.

Maniitsumi Sisimiunilu kuuffissuarnik suliaqarneq salliunneqarluni imermik mingunnikumik pilersaarut suliarineqaleruttorpoq, politikikkut akuersissutigineqannginnerani tamanut tusarniutissanngorlugu nassiunneqassaaq, taamaattumillu aasaanerani kuuffissuarnik suliaqarnissap neqeroorfigineqarsinnaanera sioqqullugu akuersissutigineqarsinnaanani.

Ukiumut 2019-imut kuffissuarnut nutaanut aningaasaliissutinik agguataarineq TAAA ataatsimiinnerani 4.12.2018 imm. 4-tut suliarineqarpoq.

Maleruagassatigut tunngavigisaaq

Anartarfiit imaannik aamma imermik errortuivikumik eqqaaneq pillugu Namminersorlutik Oqartussat nalunaarutaat nr. 10, 12. juni 2015-imeersoq maleruagassatigut tunngaviuvoq.

Kuuffissuit aqgutaannik annertusaaneq kommuniq pilersaarusiornermi periusissiaani Avatangiisinut tunngasuni "illoqarfinni kuuffissuarnik annertusaaneq nangeqqikkusupparput aammalu innuttaasut illuutaasa attavilernissaat qulakkiissavarput"-mut naapertuuppoq.

Maniitsumi pissutsit atuuttut

Maniitsumi akikinnerit ukiorpassuarni salliunneqartuaannarnikuupput Ivissuarni kuuffissuarnut pingaarnernut aningaasaliissutit naammannikuunngimmata, taamaammallu tulleriarinermi kingullinnngortarlutik naak illoqarfiup qeqqani nunaannginneraaniikkaluartut. Maanna 2020-mut nunap assinga ilanngussaaq takussutissatut pinikuuarput Ivissuarni immikkoortup nalaa ersilluni, ilanngussaaq 1.

2019-imi kuuffissuarnik pingaarnernik marlunnik ikkussuisoqarnikuuvoq 2019-imi naammassineqarlutik, heliporteqarfimmoorlutillu, immikkoortumi tassani namminersortut inissianik sanaartornissaminnut pilersaaruteqarmata ulloq manna tikillugu suli aallartinneqanngitsunik. Savinnut pingaarnertut kuuffissualersuinissamut suliniut naammassivortaaq, 2019-imilu aasaanerani piareersarneqarnikuulluni. Taakkua suli attavilersorfigineqarpallaanngillat, tassani isumaqarpugut Ivissuarni attavilersornissamut periarfissaqarluarnerusoq. Aqquernit appasinnerusumiittut Ivissuarnit qaarsummiit erngup mingunnikup kuunnera peqqutaalluni sermertarput, taanna qaarpiaata tungaanut 40 m miss. portutigaaq. 230 meterip iluani katiffiit 13-iusinnaappata taava aqquernit sermertarunnaarnissaannut iluaqutaassagalarpoq.

Sisimiuni pissutsit atuuttut

Aqqusinersuarmi immikkoortut marluk suli kuuffissuarlersorneqanngitsut sinnerupput. Tamanna illoqarfiup qeqqani erngup mingunnikup pisariaqanngitsumik kuunnerata ilarujussuanut nassatarinnittuuvoq.

Sisimiuni najugaqarfiit arlaqartut kuuffissualiorneqarnissaat amigaataavoq, immikkoortut ilarpaaluini, illut pioreersut eqqaanni qaqqamik qaartitreqqaarnissamik pisariaqartitsissagamik, kisianni immikkoortut taakkua marluk kuuffissualersorneqarsinnaapput kuuffissuarnut katiffinnut pumpemik akisuumik ikkussisoqanngikkaluarluni.

Kaaliikassaap Aqqutaanit meterimut akit ilanngullugit (aqqusernup ataani kuuffissualernimmu qaartiterinerit ilanngullugit) aammalu Aqissilik ilanngullugu (kuuffissuit qaarsumiittut nunamik qallersorlugit) Mikkup Aqqutaata eqqaani kuuffissuup aqqutaanut 228m takitigisumut aqqanilinnik katiffilimmu akit 2.285.000 koruunit missaaniissapput, aammalu Chr 28-ip Aqqutaata eqqaaniittoq kuuffissuup aqqutaata 96m takitigisoq arfineq-marlunnik katiffilik 965.000 koruunit missaaniissalluni.

Ukiumi 2020-mi Sisimiuni kuuffissuarnut talliliinernut pingasuusunut sanaartornermut aki tamakkiisoq katillugit 3,250 mio. koruunit missaaniippoq.

Mikkup Aqqutaani sanaartukkat marluk inunnit katersuuffiusartut (utaqqiisaasumik nipilersornermik ilinniarfik aamma Kunuk) imaartakkamik tankeqarput, inissiat arfinillit puussialertakkanik anartarfeqarlutik, taakkunani ataaseq inoqanngilaq inissiallu pingasut imaartakkanik tankeqarlutik. Kuuffissuit pingaarnert aqqutaat nutaaq nunap qaavatigoorlunilu iluatigoortuusaaq – Mikkup eqqaani aqqusinermi qaarsaq qaartitreqqassaaq kuuffissuup aqqutaata katiffiillu matoorsinnaajumallugit, ilanngussaq 2.

Chr 28-ip Aqqusernani inissiat sisamat tamarmik imaartakkamik tankeqarput, taamaalillutik ajornaquteqanngitsumik kuuffissuup aqqutaanut pingaarnermu attavilerneqarsinnaallutik. Chr 28-ip Aqqusernani kuuffissuup pingaarnernu aqqutaata angallannermu pissutsinut pitsanngorsaaqataasinnaapputaaq. Kuuffissuup aqqutaata ikkussuunneqareerpat ingerlavissap qaavatigut pisuinnaat aqqutaannik pilersitsisoqarsinnaassaaq, ilutigalugulu angallattut avatiminnut isigisinnaasaat pitsanngoriaateqassalluni qaarsup innartaa qaartitreqqartussaammat. Massakkut pissutsit pissutaallutik angallannikkut tarrarsuummik ikkussisoqartariaqarsimavoq, ilanngussaq 3.

Atuilluartuunissakkut kingunerisinnaasai

Pingaarnertut kuuffissualiinermik pilersitsinikkut najugaqartut imaartakkanik atuijunnaarnissamut periarfissaqalissapput, perusuersartarfimmit imikumik kuutsitsinermu anartarfilerisarnermu aqqiinermu periarfissalluni. Kuuffissualiinermi aamma imermik mingunnikumik maangaannaq kuutsitsisoqartarunnaarnissaanut periarfissiissaaq.

Aningaasaqarnikkut allaffissornikkullu kingunerisinaasai

Maniitsoq:

Ivissuarni 2020-mi kuuffissuaq pingarneq nutaaq 230 m 13-inik katiffilik kuuffissuullu aqqutaata assigiinngitsut marluk 160mm aamma 110 mm, pillugit akinut takussutissaaq 2.750.000,- koruunit tungaanoorpoq.

Sisimiut:

Mikkup Aqq eqqaani talliliineq 2.285.000 kr missaani akeqassaaq aamma Chr 28-ip Aqq eqqaani 965.000 kr missaani akeqassalluni, Ima paasillugu Sisimiuni kuuffissualerinerit marluk katillugu 3.250.000 kr..

Uani ataani takutinneqartutut kuuffissuarnut nutaanut 2020-mi aningaasaliissutinik agguataarinikkut, Maniitsumi Ivissuarni kuuffissualersuisoqarsinnaavoq.

Sisimiuni Chr 28-ip Aqq., Mukkup Aqq. aamma Chr 28-ip Aqq. eqqaanni kuuffissualersuisoqassaaq.

2020-mut missingersuutit, Kuuffissuit nutaat, 1000 kr.

Atuiffiup normua	Atuiffiup taaguutaa	Aningaas.	Ilassutit	Nutaamik aningaasaliin eq
72-42-00	Kuuffissuit nutaat, ataatsimut	6.000	-6.000	0
72-42-10	Sisimiuni kuuffissuit nutaat	0	3.250	3.250
72-42-20	Maniitsumi kuuffissuit nutaat	0	2.750	2.750
	katillugit	6.000	0	6.000

Allaffeqarfiup naliliinera

Sisimiuni Mukkup Aqq. eqqaani kuuffissuit tallineratigut inissiat qulingiluat peqatigiiffinnullu illuutit marluk kuuffissuarmut pingaarnermut attavilerneqarnissaminnut periarfissinneqassapput, aammalu Chr 28-ip Aqqusernani kuuffissuit tallineratigut inissiat sisamat attavilerneqarsinnaallutik, katillugu illuutit 15-it kuuffissuarmut attavilerneqarsinnaallutik. Taamaaliornikkut illoqarfiup qeqqata ilaani erngup mingunnikup kuutsinneqarnera annikillisinneqassaaq, ingammik Mukkup Aqq. eqqarsaatigissagaanni, aammalu Chr 28-ip eqqaani angallannikkut pissutsit pitsaanerulissallutik.

Maniitsumi Ivissuarni kuuffissuarmik pingaarnermik nutaamik suliaqarnerup Ivissuarni illut 18-init attavilerneqarnissaannut periarfissiissaaq, ukiorpasuarni kingulliunneqartarsimapput Maniitsumi immikkoortoq taanna aningaasaliiffigineqartarsimanginnera peqqutaalluni, naak illoqarfiup immikkoortua taanna nutaanginnerpaat ilagigaluaraat illorpassualik aammalu imeq mingunnikup aqqusinernut ataaniittunut kuuttarneranit sermertarluni.

Illoqarfiit/nunaqarfiit pingaarnersiorneqarlutik, kuuffissuillu pioreersut pingaarnersiorneqarlutik, Imeq mingunnikoq pillugu pilersaarutissatut siunnersuusiortoqarnissaata tungaanut, matumani siunnersuutigineqartut kuuffissualersuisitsinissami aningaasartuutissanut sanilliullugu iluaqutaanerpaasussatut nalilerneqarput.

Allaffeqarfiup innersuussutaa

Teknikkeqarnermut ataatsimiititaliamut aammalu Aningaasaqarnermut ataatsimiititaliamut innersuussutigineqarpoq,

-Kuuffissuarnut nutaanut aningaasanut killiliussat tamakkiisut Sisimiut illoqarfianut 3,25 mio. koruuninik aammalu Maniitsup illoqarfianut 2,75 mio. koruuninik agguataarneqassasut, eqitsimmi uani takutinneqartutut

-Maniitsumi Ivissuit eqqaanni kuuffissualersuisoqassasoq 2020-mi

-Sisimiuni 2020-mi Mukkup Aqq aamma Chr 28-ip Aqq eqqaanni kuuffissuarnik talliliineq ingerlanneqassasoq

Teknikkeqarnermut ataatsimiititaliap suliamik suliarinninnera

Ataatsimiititaliap 3. december 2019 ataatsimiinnermini inassutigineqartoq akuersissutigivaa.
Kuuffissuartigut pilersaatutip naammassineqarnissaa ataatsimiititaliap kissaatingaa.

Innersuussut

Teknikkeqarnermut ataatsimiititaliap Aningaasaqarnermut ataatsimiititaliamut innersuussutigivaa
akuereqqullugu,

-Kuuffissuarnut nutaanut aningaasanut killiliussat tamakkiisut Sisimiut illoqarfianut 3,25 mio.
koruuninik aammalu Maniitsup illoqarfianut 2,75 mio. koruuninik agguataarneqassasut, eqitsimmi
uani takutinneqartutut

-Maniitsumi Ivissuit eqqaanni kuuffissualersuisoqassasoq 2020-mi

-Sisimiuni 2020-mi Mukkup Aqq aamma Chr 28-ip Aqq eqqaanni kuuffissuarnik talliliineq
ingerlanneqassasoq

Aalajangineq

Innersuussutuigineqartut akuersissutigineqarput.

Ilanngussat

1. Maniitsumi Ivissuit eqqaanni kuuffissuit aqutit ingerlaarfiinik nunap assinga
2. Sisimiuni Mukkup Aqqutaani kuuffissuit aqutaannik nunap assinga
3. Sisimiuni Chr 28-ip Aqqutaani kuuffissuit aqutaannik nunap assinga

Imm. 10 Upalungaarsimaneq qajannaatsoq

Journal nr. 85.03

Tunuliaqutaq

Qeqqata Kommunia Qatserisartut kommunimik sullissinissaminut, matumani innuttaasut sanaartortitsinermullu oqartussaasut, inuiaqatigiinnut iluaqutaasumik pinaveersaartitsinerlu annertusaaviginissaanut, aaqqissuussaannerup pinaveersaartitsinermik ingerlatsineq ilanngullugu nukittorsarnissaanut pisariaqartitsivoq. Aaqqissuussaannerup nukittorsarnera upalungaarsimanerup qajannaannerulerneranik, pitsaannerulersinneranik kinguneqassaaq, taamatullu qajannassutsimik nungutitsissalluni.

Maleruagassatigut tunngavigisaq

Kalaallit Nunaanni annaassiniarnissamut upalungaarsimaneq aamma ikuallattoornissamik qaartoornissamillu pitsaaliuinermi iliuusissat pillugit Inatsisartut inatsisaat nr. 14, 26. maj 2010-meersoq, matumani Upalungaarsimaneq pillugu inatsimmik taaneqartoq. Upalungaarsimaneq pillugu inatsimmi § 21 naapertorlugu, kommunit upalungaarsimanerup pilersaarusiassapput, § 22 pinaveersaartitsinermut tunngassuteqarluni.

Pissutsit atuuttut

Annaassiniarnissamut upalungaarsimasuni aaqqissuussaaniikkut ikittuinnarnik inuttaqarpoq.

Sisimiuni Upalungaarsimanermi pisortaq Immikkoortortamilu aqutsisoq aqutsisuupput. Maniitsumi Upalungaarsimanermi pisortap tullersortaa Upalungaarsimanermi inspektørilu aqutsisuullutik.

Ulluinnarni ikittuinnarnik sulisoqarluni, taakkunungalu arlaqartunik assigiinngissitaartunillu suliaasaqartitsinermi, aaqqissuussaannerup qajannartitsivoq, inunnullu ikittuinnarnut annertuumik suliaasaqartitsilluni.

Matumani annaassiniarnissamut upalungaarsimasuni peqanngitsoqartillugu, soorlu pikkorissarnikkut, sulinngiffeqarnikkut napparsimasoqarnikkullu, suliamik piffissami sivisuumik ingerlatsisarnermik kinguneqartarpoq, taamaalillunilu peqanngittoqarnera aamma qajannarnermik kinguneqartarluni.

Aaqqissuussaq pinaveersaartitsinermik suliaqartunik annertusineqarluni nukittorsarneqarpat, unammillernarsinnaasunik naammassinnittoqarsinnaalissaaq, aammalu periusissamik pitsaannerusumik pilersaarusiortoqarsinnaalerluni periusissamillu atuutilersitsinnaalerluni, tamatumuunakkullu upalungaarsimaneq ataatsimut isigalugu nukittorsassallugu.

Pinaveersaartsitsinermut immikkoortoq ikuallattoqarsimatillugu teknikkikkut sulianik, ikuallassimasunik misissuinernik pinaveersaartitsinermut suliaqarnermik aammalu upalungaarsimanerup pilersaarutitnik ataavartumik ineriartortitsinermik nukittorsaassaaq.

Tamanna ikuallattoqarsimatillugu teknikkikkut sulianik ikuallassimasunillu misissuinernik qaffasissumik pitsaassusilinnik assigiissaartunillu kinguneqassaaq. Pinaveersaartitsinermut immikkoortoq aammattaaq aarlerinaateqarsinnaasunik ataavartumik suussusiliisinnaassaaq, upalungaarsimanermullu pisortaq kiisalu immikkoortuni aqutsisut attuumassuteqartut ((Maniitsoq)

Upalungaarsimanermi pisortap tullersortaa aammalu (Sisimiut) Immikkoortumi aqutsisoq) peqatigalugit upalungaarsimanermut pilersarusiortassalluni kiisalu aarlerinarsinnaasut pillugit sukumiinerusumik ataatsimiinnissamut pilersarusiorluni.

Tamanna pitsaanagerusumik ikuallattoqaratarsinnaanermut pinaveersaartitsinermik kiisalu suliniutit anguniagaqartutigut toqkkut kinguneqartumik ikuallattoqarnissaraluarnik pinngitsoortitsinermik kinguneqassalluni.

Tamanna ilaatigut ikuallattoqarsimatillugu teknikkikkut sulianik ikuallassimasunillu misissuinernik suliaqarnerup sivikinnerulerneranik aammalu pitsaassuseqarnerulerneranik kiisalu ikuallassimasunik misissuinerit inatsisitigut piumasaqaataasunik tamanik ingerlatsisinnaanermut periarfissiinermik kinguneqassaaq.

Atuilluartuunissakkut kingunerisinnaasai

Anguniagaqartumik sulisutitigut aqutsisut upalungaarsimanermik pitsaanagerusumik pilersarusiorsinnaalerlutillu ineriartortitsisinnaalissapput, Qeqqata Kommuniaut tamarmut innuttaasunut, suliffeqarfimmu allaffeqarfimmullu ataatsimut isigalugu iluaqutaasumik.

Tamatuma saniatigut Qeqqata Kommuniani Qatserinermut Annaassiniarnermullu ilinniarfimmik ineriartortitsinissamut upalungaarsimanermi inspektøri peqataassaaq.

Taamatullu pinaveersaartitsinermut immikkoortoq meeqqanut aqqaneq-marlunniit 17-it tikillugit ukiulinnut pinaveersaartitsinermut suliniummut, Unge i Beredskabet-imut peqataassaaq.

Aningaasaqarnikkut allaffissornikkullu kingunerisinaasai

Pinaveersaartitsinermut immikkoortumut upalungaarsimanermi inspektørimik atorfinitsitsisoqassaaq.

Tamanna pinaveersaartitsinermut immikkoortumut aqutsisumut ukiumut 450.000 koruunit missaanik akissarsiaqartitsinermut aningaasartuutit qaffariaateqarneranik kinguneqassaaq.

Allaffeqarfiup innersuussutaa

Siunnersuutip akuersissutigineqarnissaa, Aningaasaqarnermut ataatsimiititaliamullu ingerlateqqinneqarnissaa innersuussutigineqarpoq.

Teknikkimut ataatsimiititaliap suliarnik suliarninnera

Ataatsimiititaliap 3. december 2019 ataatsimiinnermini aalajangerpoq siunnersuut Aningaasaqarnermut ataatsimiititaliamut akuersissannngorlugu ingerlateqqinneqassasoq.

Innersuussut

Teknikkimut ataatsimiititaliap Aningaasaqarnermut ataatsimiititaliamut innersuussutigivaa akuereqqullugu,

- siunnersuut Aningaasaqarnermut ataatsimiititaliamut akuersissutigineqassasoq

Aalajangiineq

Missingersuutitut kissaatit aasarli tunniunneqarnikuummata innersuussutigineqartoq itigartitsissutigineqarpoq.

Ilanngussat

Soqanngilaq

**Imm. 11 Maniitsumi timersortarfimmi fitnesscenter Peqqik imaluunniit
namminersortunit pigineqartoq Maniitsoq Fitness-imi Qeqqata Kommuniani
sulisut namminneq toqqakkaminnik sungiusartarsinnaanerisa
akuerineqarnissaa pillugu qinnuteqaat**

Journal nr. 03.10

Tunuliaqutaq

Maniitsumi marlunnik timigissartarfeqarpugut, aappaa Timersortarfimmi Fitnesscenter Peqqik aappaa NIPI Avis ataani / Maniitsoq Fitness. Maniitsumi kommunip sulisui maannamut Maniitsumi Timersortarfiup Fitnesscenter Peqqik-mi akeqanngitsumik sungiusarsinaapput, Sulisoqarnermut politikimi atuuttuusumi immikkoortoq Peqqissutsimut politikki ataaniittoq naapertorlugu allagartamik takutitsinikkut. Taanna annertunerusumik maleruagassatigut tunngavigisami nassuiarneqarpoq.

Maniitsoq marlunnik timigissartarfeqarmat, Fitnesscenter nutaaq, Maniitsoq Fitness aamma atorneqarsinnaanersoq Maniitsumi kommunimi sulisut ujjartorpaat. Aamma aasaq manna juunimi 2019-imi Maniitsumi Ilinniartitaanermut immikkoortortami sulisut timersortarfiup Fitnesscenter Peqqik-mi neqeroorutaasut helsekabine, sauna aammalu Fitness Peqqik atorneqarsinnaanersut apeqqutiginiuuvaat siunnersuutigalugillu, tamarmik Fitness Peqqik atornissaa kajumerinngimassuk, kisianni helsekabine imaluunniit sauna atorusunnerullugit. Fitness Peqqik-imi sungiusarniartunut Qeqqata Kommunian tamaallaat akiliuteqartarmat, kommuni pisortaanerunikuusup Sulisoqarnermut immikkoortortaq qinnuiginikuvaa misissoqqullugu paasinaqqullugulu, qassit atuisuunersut immaqaluunniit kikkut neqeroorutinik allanik soorlu helsekabinemi saunamillu (helsekabinermik saunamillu kikkut atuisuunersut kisitsisaat paasissutissiissutigineqanngilaq) atuisuunersut. Tassunga paasissutissiissutigineqassaaq, Qeqqata Kommuniani sulisunit akeqanngitsumik atuisinnaangorlutik 2010-mi aaqqiissuteqartoqarnerata kingornali timersortarfimmi Fitnesscenter Peqqik-mik atuisartut atuisut / sulisut pillugit taamaallaat Sulisoqarnermut immikkoortortaq allagartaateqarmat. Tassunga paasissutissiissutigineqassaaq, Timersortarfimmi Fitnesscenter Peqqik-mik illuatungeriinnik isumaqatigiissumik atsiukkamik allagangorlugu isumaqatigiissummik pigisaqartoqanngimmat.

Maleruagassatigut tunngavigisaaq

Qeqqata Kommuniani sulisoqarnermut politikimi atuuttumi Peqqissutsimut politikkimik allassimasoqarpoq, tassani Qeqqata Kommunian pingaartitalarlu, sulisut Peqqissusaat Inuulluataarnerallu siuarsarneqassasoq. Kommuni 2010-mi misiliutitut Sisimiuni Maniitsumilu allaffissuarmi suleqataasunut illoqarfinni timigissartarfinni timigissartarnissaannik neqerooruteqarnikuuvoq. Taakku saniatigut aammattaaq siunertaavoq, aaqqiissut kommunip suliffeqarfiinut allanut siaruaanneqassasoq. Aammattaaq Sulisoqarnermut politikimi suli akuerisaanngitsumi allassimavoq, peqqissutsimik siuarsaataasinnaasunut suliniutinut soorlu suliffiup avataatigut timigissarluni aaqqiissutinut, arpatsitsinernut, qaqqaliartitsinernut il.il. tapiissuteqartoqarsinnaasoq.

Pissutsit atuuttut

Maniitsumi Timersortarfiup Fitnesscenter Peqqik sungiusarnermut atortut eqqarsaatigalugit ullutsinnut naleqqutinngillat, illuatungaatigut Fitnesscenterimi nutaami Maniitsoq Fitness sungiusarnermi atortuutaat nutaanerpaajullutik. Illuatungaatigut Maniitsumi Timersortarfimmi

Fitnesscenter Peqqik-mi sungiusareernerup kingorna uffarnissamut periarfissaqartoq, kisianni fitnesscenterimi nutaami Maniitsoq Fitness-imi uffartoqarsinnaanani. Timersortarfiup Fitnesscenter Peqqik pinerit tamaasa sungiusarnermut ataatsimut kommunimut 30,00 koruuninik akeqartarpoq. Qeqqata Kommuniani sulisunut akeqanngitsumik sungiusarnissamut aqqineq 2010-mi atuutilersinneqarmat, sungiusarnissamut kikkut allagartamik (Fitnesscenter Peqqik-mut uppersaartit takutittagassaq) takusinnaajumallugu atit pillugu takussutissamik ingerlatsinermut suliaqarnissamullu Sulisoqarnermut immikkoortup suliasarinikuuvaa. Allattorsimaffillu taanna ukiunut tamanut agguataagaangilaq. *Takuuk allattorsimaffik ilanngussaq.* Timersortarfiup Fitnesscenter Peqqik qaammatikkaartumik imaluunniit qaammatit pingasukkaartunik fitnesscenter Peqqik-mik atuisimasut sulisut atinik allattorsimaffilerlugu ullorlu suna sungiusarsimansut ilanngullugit akiligassiissummik nassitsisarpoq. Timersortarfiup Fitnesscenter Peqqik-mit akiligassiissutit nassiunneqartut akilerneqarnissaanut atuuffik nr. 11-00-29-05-00 atorneqartarpoq. Ukioq 2019 2019-imi novembarip 30-ata tungaanut katillugit 1.650,00 koruuninik kommunimut akeqartumik sulisunit Fitnesscenter Peqqik atorneqartarsimavoq. *Takuuk ilanngussaq allattorsimaffik aamma akiligassiissut Qeqqata Kommunianit akilerneqartarsimasoq.*

Atuilluartaunissakkut kingunerisinnaasai

Qeqqata Kommunian suliffigisami peqqinnerunissaq pingaartikkaluttuinnaarpaa aammalu taamaammat atuilluartauneruvoq, Maniitsumi fitnesscenterini marluusuni nammineq toqqagaralugu taakku arlaanni sulereernerup kingorna allaffissuaannaangitsumi, kisianni Kommunimi suliffeqarfinni sulisut sungiusartarsinnaaneriniq neqeroorfigineqarnissaat. Nunani tamani / nunani allani misissuinerit takutinnikummassuk, peqqinnerulernissamik siuarsaalluni suliniutit suliasat suliarineqartarnerannut aammalu napparsimanagerit ikilinerisa kingunerannik suliffimmi aalajaatsuuneq siuariartortoq.

Aningaasaqarnikkut allaffissornikkullu kingunerisinaasai

Timersortarfiup Fitnesscenter Peqqik-mi sungiusarneq pinerit tamaasa sulisup sungiusarneranut kommunimut 30,00 koruuninik akeqartarpoq. Fitnesscenter Peqqik-mik qassit atuisuunersut pillugit Fitnesscenter Peqqik-mit allattorsimaffik akiligassiissullu malillugit ukiumut kommunimut 1.650 koruunit (2.000 koruunit) missaani akeqartarpoq aammalu Timersortarfiup Fitnesscenter Peqqik-anik sulisut atuisuusartut 26 missaaniipput.

Fitnesscenter aappaa, Maniitsoq Fitness sungiusarnissamut akinik ukuninnga kommunimut neqerooruteqarnikuuvoq:

2018-imi marsip aallaqqaataat aallarnerfigalugu inuussutissarsiorfinnut, peqatigiiffinnut il.il. minnerpaamik akigititat tullinnguuttut malillugit akiiligassiisoqartarpoq:

- Ilaasortat 1 - 10 pinerit tamaasa 25 kr. Qaammatit tamaasa minnerpaamik akigititaq 989 kr.
- Ilaasortat 10-25 pinerit tamaasa 25 kr. Qaammatit tamaasa minnerpaamik akigititaq 1.500 kr.
- Ilaasortat 25-40 pinerit tamaasa 25 kr. Qaammatit tamaasa minnerpaamik akigititaq 3.000 kr.

Qaammatit tamaasa ilaasortat /Qeqqata Kommuniani sulisut 10-niit 25 tungaanut sungiusartartut naatsorsorutsigu, Fitnesscenter Peqqik-mi qaammatit tamaasa qassit sungiusartarnerisut

sanilliullugu, qaammatit tamaasa 1.500 koruunit missaani aammalu ukiut tamaasa 18.000 koruunit missaani kommunimut akeqassaaq.

Imaluunniit neqeroorutit appaa atorneqarpat; akimik aalajangersimasumik akiliilluni, tassani ilaasortat sapaatip akunnerani ulluni tamani qanorluunniit sungiusarsinnaallutik:

Ilaasortat 1-10, qanorluunniit sungiusarneq qaammammut 2000,00 kr.

Ilaasortat 10-25, qanorluunniit sungiusarneq qaammammut 3.500 kr.

Ilaasortat 25-40, qanorluunniit sungiusarneq qaammammut 6.500 kr.

Fitness Maniitsoq ilaasortat 1-10 atussagaat naatsorsorutsigu, aalajangersimasumik akitut qaammammut 2.000 koruuninik imaluunniit aalajangersimasumik akitut ukiumut 24.000 koruuninik kommunimut akeqassaaq.

Atuiffiup normua	Atuiffiup taaguutaa	Aningaas.	Ilassutit	Nutaamik aningaasaliineq
11-00-29-05-00	Sulisunut Aningaasartuutit	2.250,00	24.000,00	26.250,00
11-00-29-05-00	Sulisunut aningaasartuutit	18.750,00	0,00	18.750,00
Katillugit	Sulisunut aningaasartuutit	21.000,00	24.000,00	45.000,00

Innersuussut

Allaffeqarfiup Aningaasaqarnermut ataatsimiititaliamut innersuussutigivaa akuereqqullugu,

-Maniitsumi kommunimi sulisunit tamanit Maniitsumi timigissartarfiit marluusut atorneqarsinnaassasut, timigissartarfik aappaa aappaaluunniit sulisup nammineq toqqarsinnaallugu. Sulisunit Timersortarfiup Fitnesscenter Peqqik toqqassappassuk, sulisut pinerit tamaasa ullormut Fitnesscenter Peqqik, helsekabine imaluunniit sauna, tassa imaappoq ullormut taakku arlaat ataasiinnaq toqqartassagaat. Maniitsoq Fitness Fitnesscenterianik atuinermi ilaasortanut 1-10 qaammammjut 2.000 koruunit/ukiumut 24.000 koruuninut aalajangersimasumik akeqassasoq siunnersuutigineqarpoq

-Immikkoortoq 1 akuersissutigineqassappat siunnersuutigineqarpoq, fitnesscenterinut marluusunut paarlakaattumik isumaqatigiissummik suliaqartoqassasoq

Aalajangiineq

Sulisut nammineq aalajangertassavaat nukkissartarfirmut sorlermiissanerlutik, kisiannili takkunnerit tamaasa kr. 25 akiliisoqartassaaq qaammammut aalajangersimasumik akiliisoqarnani.

Ilanngussat

1. Timersortarfirmi Peqqik-mik atuinissamut kortimik pinikuusut pillugu atit allattorsimaffiat.
2. Timersortarfirmi fitnesscenter Peqqik-mik atuinissamut allattorsimaffik qamamammullu akiligassaasartoq.

3. Maniitsoq fitness Fitnesscenteriernik atuinissamut peqatigiiffinnut suliffeqarfinnullu akigititat
4. Ilanngussaq tassaavoq 2018-imi 2019-imilu atuisut allattorsimaffiat.

Imm. 12 Qeqqata Kommuniani utoqqalinersianik tunniussisarnermi allangortitsineq

Journalnr.: 43.01.10

Tunuliaqutaq

Sisimiut Kommuniugallarmat taamanikkut Aningaasaqarnermut Ataatsimiititaliaq ataatsimiinnermini 05/99 11. maj 1999 aalajangersimavoq, utoqqalinersisitsisarnermi qaammatip naanissaanut ullut 3-sut siusinnerusumik utoqqalinersiallit qaammammusisinneqartalissasut, december-imi juulli sioqqullugu pisassasq. Tamannalu taamanimiilli maangamut periuserineqarluni ingerlasimavoq aamma Kommunit kattussuutereernerisa kingorna.

Qeqqata Kommuniani Akissarsialerivimmiit mail-ikkut ulloq 12. september 2019 tamatumunnga aaqqiisimanerup allangortinneqarnissaanik siunnersuummik nassiussaqarput, ullumikkut periuserineqartoq atorunnaarlugu, naliginnaasumik qaammammusialinnut qaammammusisitsisarnermi allanisulli ulloq taanna qaammammusisitsisoqartalernissaa.

Maleruagassanut tunngavissat

Sisimiut Kommuniani Isumaginninnermut ataatsimiititaliap aalajangiinera ulloq 14. april 1999, taassumalu malitsigisaanik Aningaasaqarnermut ataatsimiititaliap akuersissuteqarnera ulloq 11. maj 1999 ataatsimiinnermini.

Pissutsit atuuttut

Sisimiut Kommuniugallarmat Aningaasaqarnermut ataatsimiititaliaq ulloq 11. maj 1999 ataatsimiinnermini, utoqqalinersisitsisarnerup tunniunneqartarnerisa ulluinik siuartitsinissamik eqqartuilluni. Tassani siunnersuutigineqarsimavoq, qaammatip naanerani qaammammusisitsisarnermi aningaasanik nammineerluni tiguisarfimmi siuleriaattuni, utoqqaat siviluallaamik utaqqisarsimanagerat, pingaartumik ukiuunerani nillernerata nalaani ippigineqartarmat, taamaattumillu siunnersuutigineqarsimasq qaammatip naanissaanut ullut 3-sut siusinnerusumik utoqqalinersiallit qaammammusitinneqartalernissaat. Aammalu taamanikkut aningaasanik nammineerluni tiguisiffiusinnaasq ataasiinnaalluni.

Taamaattumik Aningaasaqarnermut ataatsimiititaliaq ulloq 11. maj 1999 ataatsimiinnermini, Isumaginninnermi ataatsimiititaliap innersuussutaa akuersaarsimavaa, qaammatip naanissaanut ullut 3-sut siusinnerusumik utoqqalinersisitsisalernissaq.

Maannakkut aningaasanik tiguisiffiit pingasunnorsimapput, marluk illup iluani iserfigineqarsinnaasumi, ataaserlu silataani. Aammalu inuit kikkulluunniit Dankort-imik, Mastercard-imik taassumalu saniatigut webbank-eqarlersimallutik, taassumalu saniatigut niuertarfinni kort-imik akiliisinnaalernikuullutik. Taamaasillutik aningaasannortitsinngikkaluarlutik periarfissaat ukiut 20-t matuma siorna pitsanngoriaateqarnikuulluni.

Atuilluartuunissakkut kingunerisinnaasai

Akissarsialerivimmi sullissisunut aammalu Naatsorsuuserisoqarfimmi sulisunut pisariillisaataassaaq, qaammammusisussat tamaasa ataatsikkut suliarineqartalissammata.

Kiisalu minnerunngitsumik qaammatip naanerani aningaaserivitsigut qaammammut akiligassanut ilanngaattittartunut iluaqutaassaaq, ingerlaannartumik ulloq taanna qaammammusiffimmi ilanngarneqartassammata. Tassami qaammatip naanera sioqqullugu qaammammusisoqaraangat, ilaatigut qaammammusiat tiguneqarsinnaasarmata akiligassanut amigartilertugit, tamannalu aningaaserivimmi sulisut ilaatigullu Kommunimi sullissisunut suliakkersuutaasarluni.

Aningaasaqarnikkut allaffissornikkullu kingunerisinnaasai

Akissarsialerivimmi sulisunut aammalu Naatsorsuuseriveqarfimmi sulisunut oqinnerusutut inissisimalissaaq, qaammammusisussat ataatsikkut ullormi ataatsimi suliarineqartalernissaat. Aammali qaammammut akiligassanik aningaaserivikkut ilanngaatsittartunut ajoqutaajunnaassaaq. Tassami qaammammut aalajangersimasumik ilanngaatsittartut, qaammatip naanerani aatsaat automatisk-imik ilanngaatsittarput, taamaasillutillu ilaatigut akiligassanut atugassat inuttaannit ilaatigut matussutissaarullugit aningaasat tigusiffigineqareertarsimmata.

Allaffeqarfiup naliliinera

Ilaqtariinnermut immikkoortoqarfiup saaffiginnissut ilalerpaa. Ukiuni kingullerni aningaaserivimmi teknik-ikkut periarfissatigullu inerisaasimaneq takussutissaqarlunilu atugassarititaasut pitsanngorsaaffigineqarsimmata. Aningaaserivitsigut tigusisinnaaneq taamanikkornit pitsanngorsimaqaaq, tigusinissamullu periarfissat amerlisinneqarsimallutik. Kiisalu minnerunngitsumik qaammatikkaartumik aningaaserivikkut akiligassanut ilanngaattittartunut, siusinaartumik aningaasanik tigusivallaartarunnaarnerannik kinguneqassaaq, taamaasilluni akiligassanut kipusooruteqartarunnaarinnissaat anguneqassaaq.

Allaffeqarfiup innersuussutaa

Qeqqata Kommuniani Ilaqtariinnermut immikkoortortap Atugarissaarnermut ataatsimiititaliamut innersuussutigaa,

- Utoqqalinersiaqartitsisarnermi qaammatip naanissaanut ullunik 3-nik sioqqullugu tunniussisarnerup Isumaginninnermut ataatsimiititaliap ulloq 14. april 1999 aammalu ulloq 11. maj 1999 Aningaasaqarnermut ataatsimiititaliap aalajangiiffigisimasaat atorunnaarsinneqassasut inassutigineqarnissaa
- Ulloq 01. januar 2020 aallarnerfigalugu qaammammut utoqqalinersisitsisarnermi qaammatip naaneranut tunniussisoqartalernissaa, juullilernerani ullunik pingasunik sioqqutsisarneq ilanngunnagu akuersissutigineqassasoq, Aningaasaqarnermullu ataatsimiititaliamut akuersissannorlugu ingerlatinneqassasoq

Atugarissaarnermut ataatsimiititaliap suliamik suliarinninnera

Ataatsimiititaliap 25. oktober 2019 ataatsimiinnermini innersuussut akuersissutigivaa. Innuttaasunut paasissutissiineq piaartumik ingerlanneqarnissaa kissaatigineqarpoq. Lokal avis-it aammalu lokal radiot atorluarneqassapput aammalu innuttaasut allakkamik tunineqassapput.

Innersuussut

Atugarissaarnermut ataatsimiititaliap Aningaasaqarnermut ataatsimiititaliamut innersuussutigivaa akuereqqullugu,

-Utoqqalinersiaqartitsisarnermi qaammatip naanissaanut ullunik 3-nik sioqqullugu tunniussisarnerup Isumaginninnermut ataatsimiititaliap ulloq 14. april 1999 aammalu ulloq 11. maj

1999 Aningaasaqarnermut ataatsimiititaliap aalajangiiffigisimasaat atorunnaarsinneqassasut inassutigineqarnissaa

-Ulloq 01. januar 2020 aallarnerfigalugu qaammammumut utoqqalinersisitsarnermi qaammatip naaneranut tunniussisoqartalernissaa, juullilernerani ullunik pingasunik sioqqutsisarneq ilanngunnagu akuersissutigineqassasoq

Aningaasaqarnermut ataatsimiititaliap suliamik sularinninnera
Ataatsimiititaliap 19. November 2019 ataatsimiinnermini aalajangerpaa ataatsimiinnissamut tullermut kinguartillugu Utoqqaat Siunnersuisoqatigiit tusarniaqqaarneqassammata.

Utoqqaat siunnersuisoqatigiit suliamik sularinninnera
Siunnersuisoqatigiit 6. december 2019 ataatsimiinnermi Utoqqarnut Siunnersuisoqatiit eqqartuiffigereerlugu allannguiniarneq toqqammaviatigut ilalerlugu akuersaarpaat. Kisianni kiissaatigineqarluni aatsaat ulloq 01. februar 2020 aallarnerfigalugu atuutilersinneqarnissaanik.

Innersuussut

Atugarissaarnermut ataatsimiititaliap Aningaasaqarnermut ataatsimiititaliamut innersuussutigivaa akuereqqullugu,

-Utoqqalinersiaqartitsisarnermi qaammatip naanissaanut ullunik 3-nik sioqqullugu tunniussisarnerup Isumaginninnermut ataatsimiititaliap ulloq 14. april 1999 aammalu ulloq 11. maj 1999 Aningaasaqarnermut ataatsimiititaliap aalajangiiffigisimasaat atorunnaarsinneqassasut inassutigineqarnissaa

-Ulloq 01. februar 2020 aallarnerfigalugu qaammammumut utoqqalinersisitsarnermi qaammatip naaneranut tunniussisoqartalernissaa, juullilernerani ullunik pingasunik sioqqutsisarneq ilanngunnagu akuersissutigineqassasoq

Aalajangiineq

Innersuussutigineqartut akuersissutigineqarput.

Ilanngussat

1. Mail-ikkut akissarsialerivimmiit saaffiginnissut
2. Aningaasaqarnermut ataatsimiititaliap aalajangiinera ulloq 11. maj 1999

Imm. 13 Atorfeqartitanut tunngasutigut paasissutissiineq 9. december 2019

Journalnr. 03.00

Nalunaarusiornermi nalunaaquttap akunnermusiallit ilanngunneqanngillat.

Maniitsoq:

1. Atorfinitsitat

Suliffik	Ateq	Atorfik	Ulloq atorfiniffik
Ilaqtariinnermut immikkoortortaqarfik, Meeqqanut inuusuttunullu imm.	Elisa Søholm Larsen	Sullissisoq	1. december 2019

2. Soraartut

Suliffik	Ateq	Atorfik	Ulloq soraarfik
Ilaqtariinnermut immikkoortortaqarfik, Meeqqanut inuusuttunullu imm.	Elisa Søholm Larsen	Ikorfartorti	30. november 2019
Utoqqaat angerlarsimaffiat Nerijsaaq	Marie Rosing Petersen	Sundhedsassistent	31. december 2019
Kangaamiuni utoqqaat Angerlarsimaffiat	Marie-Rakel O. Egede	Ikiorti	31. december 2019
Inuusuttut Inaat	Marie Kleist	Miljøarbejder	31. december 2019
Ilaqtariinnermut immikkoortortaqarfik, allatseqarfik	Seth Kristiansen	Overassistent	31. december 2019

Sisimiut:

1. Atorfinitsitat

Suliffik	Ateq	Atorfik	Ulloq atorfiniffik
Nutaaliorfeeraq	Hansa VidStein	Aqutsisoq	1. november 2019
Meeqquerivik "Sisi"	Nukardleq Ludvigsen	Inunnik isumaginninnermi ikiorti	1. november 2019
Meeraateqarfik "Naja/Aleqa"	Sivne Andersen	Isumaginninnermi ikiorti	1. november 2019
Meeraateqarfik "Ungaannuaq"	Jonna Olsen	Isumaginninnermi ikiorti	1. november 2019
Meeraateqarfik "Nuniasfik"	Birgitte Petersen	Isumaginninnermi ikiorti	1. november 2019

**Aningaasaqarnermut ataatsimiititaliap decembarip 17-ani 2019 ileqquusumik ataatsimiinnerata 10/2019
imaqarniliornera**

Meeraateqarfik "Kanaartaq"	Dorthea S. Geisler	Isumaginninnermi ikiorti	1. november 2019
Ilaqutariinnut Kiffartuussivik	Anna Qvist Siegstad	Perorsaasoq	1. november 2019
Meeraateqarfik "Kanaartaq"	Sara Brandt Lennert	Isumaginninnermi assistenti	1. november 2019
Meeraateqarfik "Nuka", Kangerlussuaq	Naasunnguaq Larsen	Isumaginninnermi ikiorti	15. november 2019
Qeqqata Kommunua	Juliane Henningsen	Kommunimi pisortaaneq	15. november 2019
Teknikkimut avatangiisinullu immikkoort.	Kim Olsvig Møller	Majuartaateqarfimmi aqutsisoq	18. november 2019
Ornittaaq "Sikkersoq"	Erninguaq Frederiksen	Immikkoortortami aqutsisoq	18. november 2019
Itillip sannavia	Hans Enoksen	Aqqusinilerisunut formandi	25. november 2019
Ilaqutariinnermut immikkoortortaqqarfik, Ikiorsiisarfik	Mette Marie Kristensen	Sullissisoq	1. december 2019
Utoqqaat Angerlarsimaffiat QUPANUK	Magdalene K. Marcussen	Sulisartog ilinniarsimanngitsoq	1. december 2019
Angerlarsimaffimmi Ikiortit	Kirsten Pedersen	Peqqinnissamut ikiorti	1. december 2019
Qullersaqqarfik	Riikki Jensen	Allaffimmiuuneq	1. december 2019
Utoqqaat Angerlarsimaffiat QUPANUK	Heidi Jensen	Sundhedsassistent	1. december 2019
Utoqqaat Angerlarsimaffiat QUPANUK	Lillian Büllmann	Sundhedsassistent	1. december 2019
Sukisaarsaartarfik "Sukorsit"	Malik Poulsen	Klubbimi ikiorti	1. december 2019

2. Soraartut

**Aningaasaqarnermut ataatsimiititaliap decembarip 17-ani 2019 ileqquusumik ataatsimiinnerata 10/2019
imaqarniliornera**

Suliffik	Ateq	Atorfik	Ulloq suliunnaarfik
Utoqqaat Angerlarsimaffiat QUPANUK	Paornanguak J. Kleist	Inuussutissalerinnermi ikiorti	31. oktober 2019
Minngortuunnguup Atuarfia	Josia Street	Ilinniartitsisoq	31. december 2019
Minngortuunnguup Atuarfiani paaqqinnittarfik	Mette Cortsen	Pisortaq	31. december 2019
Minngortuunnguup Atuarfia	Malo Reimer	Pedeli	31. december 2019
Pisortaanernut sullissivik	Jonna Lynge	Atuilluartuunissaq pillugu siunnersorti	31. december 2019
Meeraateqarfik ”Naja/Aleqa”	Nanna Andersen	Perorsaasoq	31. december 2019
Meeraaqerivik ”Nuka”, Sisimiut	Petrine Jonathansen	Perorsaasoq	31. december 2019
Meeraateqarfik ”Naja/Aleqa”	Nukaraq Olsen	Pisortaq	31. december 2019

3. Suliffimmi nuuttut

Suliffimmiit	Suliffimmut	Ateq	Atorfik	Piffissaq
Ornittaaq ”Naasoq”	Meeraateqarfik ”Sisi”	Inge Lennert	Isumaginninnermi ikiorti	1. december 2019

4. Sulinngiffeqartut

Suliffik	Ateq	Atorfik	Piffissaq
Utoqqaat Angerlarsimaffiat Qupanuk	Kristian Henrik Kleist	Inuussutissalerisoq Igaffimmioq	1. december 2019 -30. november 2020
Meeraateqarfik Nuniaffik	Bodil Johansen	Isumaginninnermi Ikiorti	1. august 2019 - 31. juli 2020
Meeraateqarfik Naja/Aleqa	Inger-Dorthe B. Davidsen	Isumaginninnermi Ikiorti	1. august 2019 – 31. juli 2020
Meeraateqarfik Uiaq	Najaaraq Johansen	Isumaginninnermi Ikiorti	13. august 2019 – 13. august 2020

Innersuussut

Suliaq aningaasaqarnermut ataatsimiititaliamut paasissutissiissutitut saqqummiunneqarpoq.

Aalajangiineq

Paasissutissiissut tusaatissatut tiguneqarpoq.

Ilanngussa

Ilanngussaqqanngilaq

Imm. 14 Piffissami 2013-2019 pinngortitami ikuallannerit pillugit naatsorsueqqissaarneq

Journal nr. 85.04.03

Tunuliaqutaq

Kommunip qatserisartoqarfii ukiut tamaasa ikiuiartornernut kisitsisinik takussutissiorparput. 2013 aamma 2019 akornanni pinngortitami ikuallannerit naatsorsoqqissaarneri uani immikkut suliarineqarput.

Maleruagassatigut tunngavigisaq

- Inatsisartut peqqussutaanni nr. 6, 30. oktober 1992-imeersumi aalajangersakkat.
- Inatsisartut peqqussutaata matuma malitsigisaanik nalunaarutit imaluunniit siusinnerusukkat inatsiliornerup malitsigisaanik nalunaarutit atuuttut.

Pissutsit atuuttut

Qeqqata Kommuniani 2013 - 2019 iluani pinngortitami ikuallassimanerit Eqitsit 1-imi takuneqarsinnaapput, pinngortitami ikuallannerit minnerusut annerusulluunniit 20-upput.

Pinngortitami ikuallattarnerit amerlassusii imminnut assigiittorujussuupput, kisianni 2017-imi 2019-imilu pinngortitami ikuallannerit sakkortooujussuusimallutik.

Maluginiarneqartariaqarpoq 2018-imi pinngortitami ikuallattoqarsimanngitsoq, tassani aasaanera assut siallerfiusimammat.

Atuilluuntuunissakkut kingunerisinnaasai

Pinngortitami ikuallannikoq sunaluunniit ukiorpassuit naaqqinniartarpoq.

Aningaasaqarnikkut allaffissornikkullu kingunerisinaasai

Pinngortitami ikuallannerit sakkortusigaluttuinnarput, taamaammat ilimanarneruleqqalluni siunissami missingsuutitigut atuinerusoqarnerusalissasoq.

Allaffeqarfiup naliliinera

Ukiuni 2013-2019 pinngortitami ikuallannerit tamarmiusut ima agguataaqqapput:

Eqitsit 1: Ukiuni 2013-2019 pinngortitami ikuallannerit agguataarneri

01.06.2013	B-541B pinngortitami ikuallanneq	Pinngortitami ikuallanneq – annertunngitsoq
05.07.2013	Ilinniartut ineqarfiata Apisseq tunuani qaqqami akunnattoq	Pinngortitami ikuallanneq -
07.07.2013	Ilinniartut ineqarfiata Apisseq tunuani qaqqami akunnattoq	Pinngortitami ikuallanneq -
17.07.2013	”Flaskehals” illoqarfiup kangia-tungaani annertoq	Pinngortitami ikuallanneq -
26-07-2014	Qerrortusoq Assaqtap eqqaani annertunngitsoq	Pinngortitami ikuallanneq –

03-08-2014	Itinnermi qaqqami ikuallanneq annertunngitsoq	Pinngortitami ikuallanneq –
21-08-2014	Aputeqarajuuni qaqqami ikuallanneq annertooq	Pinngortitami ikuallanneq -
28-09-2014	Iliveqarfimmi	Pinngortitami ikuallanneq – annertunngitsoq
10-07-2015	Utoqqaat	Pinngortitami ikuallanneq – akunnattoq
13-08-2016	Oqummianguup & Nilliasup tasiata akornanni akunnattoq	Pinngortitami ikuallanneq –
23-05-2017	Sarfannguit	Pinngortitami ikuallanneq – akunnattoq
14-06-2017	B-555B Ukalilik annertunngitsoq	Pinngortitami ikuallanneq –
14-06-2017	Akiani pinngortitami ikuallanneq	Pinngortitami ikuallanneq – annertunngitsoq
14-06-2017	Deichmannip aqq. eqqaani pinngortitami ikuallanneq annertunngitsoq	Pinngortitami ikuallanneq -
xx-07-2017	Amitsorsuup tasia	Pinngortitami ikuallanneq - annertooq
xx-07-2017	Kangerlussuatsiaq Kangaamiut eqqaani annertooq	Pinngortitami ikuallanneq -
04-06-2019	Tuiusaanguup kangiani	Pinngortitami ikuallanneq – akunnattoq
08-07-2019	Tuapannguanut annertunngitsoq	Pinngortitami ikuallanneq –
08-07-2019	Kangerluarsuk Tulleq	Pinngortitami ikuallanneq – annertooq

Innersuussut

Aningaasaqarnermullu ataatsimiititaliamut paasissutissiissutitut saqqumiunneqarpoq.

Aalajangiineq

Paasissutissiissut tusaatissatut tiguneqarpoq.

Ilanngussat

Soqannilaq

Imm. 15 Tamalaat

Evelyn Frederiksen-ip apeqputaa illuliornissamik qinnuteqartut qassiuneri (byggesæt) pisortaanerup tullianiit akineqarpoq.

Aningaasaluussitit N. O. tunniunneqartut pillugit qanoq piareersimatigisoqarnersoq pisortaanerup tullianiit akineqarpoq.

Evelyn Frederiksen apeqputaa utoqqaat niffanneqartarnerannut tunngasoq borgmesterimiit akineqarpoq.

Innuttaasunut paasissutissiissutigineqassaaq nivatsittarniarunik sumut saaffiginnissanersut.

Evelyn Frederiksen-ip apeqputaa mittarfissuarnut amerikarmiut aningaasaleeqataanissaat pillugu borgmesterimiit akineqarpoq.

Juliane Enoksen-ip apeqputaa sineriaq tamakkerlugu eqqaaveqarlernissaq pillugu apeqputaanut pisortaanerimiit akineqarpoq.

Emilie Olsen-ip apeqputaa utoqqaat ornittagaanni tillinniartoqartuarternera pillugu borgmesterimit akineqarpoq misissorneqarumaartoq.

Direktør-issarsiornermut tungnasumik borgmesteri paasissutissiivoq.

Naggataatigut pisortaanerup tullianut suliarisimasaanut qujassuteqarpoq Island-imullu angalanissaq ilisimatitsissutigalugu.